

Yesu Tõrè tõmmú pátíri Di mpátíri tɔ̀ tìi náàntì

Yesu tõrè kó dipátíri sɔ̀ténè tináaṅsààti kpɛye kó tináaṅtì nti. Duku dòdòtòrì diɛwè Pɔ̀ari népo, ò do neitinè wè weè wàri de kó dipátíri (Kòdɔ̀si 4:14). De kó dipátíri mieke yenáaṅkékè yèè ti náá mMuyaánsààmù pī mmùù tõmmú yè sūmu.

De kó dipátíri dii ti náá nKirisì kɔ̀be tīrè keté mèè botí Sifube cuokè kéketénè Sedisadɛmmu bèè tu Sifube. Nè bèè í tú Sifube: Kòdenti nè Āntiyɔ̀si nè Fidipu. De kó dipátíri dii ti náá mbè do mǎánè ìi dièti mɛsàà nKirisì kɔ̀be tīrè yepànyè mieke, nè Muyaánsààmù do bè niité kè bèè tì tũntɛ mèè botí.

Di mpátíri náàntì dúò ke dòmme

1. Muyaánsààmù cùténímè nè Kirisì kɔ̀be tīnni ketémè Sedisadɛmmu 1-12
2. Pɔ̀ari ìtémè Kuyie nnáaṅtì náammù 13-28

¹ N népo Teofiiri, m pátíri ketirì mieke n da nàkémù Yesu pī mmùù tõmmú muməu nè ò tié nti benitibè nè ò keté ndi yìè o tõmmú,

² kèntɔ̀ kètɔ̀kɛnè Muyaánsààmù ò niitémè kòò dúò nho tannò o tancòumbè ò tǎátè bè ke íté kédeke kéĩnkè.

³ O kũũ nkó difɔ̀nkúò kòò mbè benkú omáà nè mɛbenkùmè péu mèè benkú ò fòutémè, ke dò yewe sipísìnàà ke bè náà nKuyie nkpaàtiyuu kpɛti.

⁴ Diyìè marì ke sǎ mbè yo nke Yesu bè nàké ke dò: Di báá dèténè Sedisadɛmmu, dí nkari ke baa n cice do yè nhò yóó di pǎ dè, n di nàké dèè kpéí.

5 Isāã do di ãã bàtémmù, nè menie mme yewe sám̀pó miεke bè bo di ãnné bàtémmù nè Muyaánsààmù.

Yesu dèkemè keĩnkè

6 Kè bèε ò beke ke d̀ò: De m̀nni ndi a yóó fíímmè Isidayεεribe kó dikpà̀t̀iyuuà?

7 Kè Yesu bè t̀ènné ke d̀ò: Di kpeti d̀ake, di bo yíétémè de kó yem̀rè nè de kó yewe, n cice Kuyie nkumám̀m̀nku kuù d̀óu nde kó yem̀rè nè de kó yewe.

8 Kù bo di duó mmuwḗrímù, kù bo cū́ñní Muyaánsààmù di ĩnkè kè di naá mbèè yo nnáá n kpéi nSedisadεmmu miεke nè Sudee nè Sammarii de kó ketenkè kem̀ou miεke nè itemm̀nke im̀ou miεkoo.

9 Ò t̀i mbè nàké dìi m̀nni kédeε kéíté kéndè̀t̀i keĩnkè, kè bè nhò bùó kè diwetiri marii ò dàtĩnko.

10 Kè bè nkpaá búó, k̀yà benitibè bèdébè kè bè dàát̀i tiyaap̀éit̀i kék̀otení be borè kébéi nke d̀ò:

11 Kadidee kó benitibè dè d̀omme kè di cómmù ke búó keĩnkè? Yesu ité m̀è botí di cuokè ke d̀eke keĩnkè ò yóó wḗtení m̀è botí.

12 Mὲm̀me kè bèε íté Odifíè t̀ari k̀ewḗtení Sedisadεmmu. De kó dit̀ari do í d̀étirinè Sedisadεmmu, dè do bo mbo cidómétiri òmáà ndi.

13 Bè t̀ù̀kení dìi m̀nni kédeke tεcĩ̀t̀è bè òó t̀i ntèè miεke. Nte o tancó̀umbè bèè do mbe be yètè: Pieri nè Isāã nè Isaku nè ãntidee nè Fidipu nè Batidemii nè Matie nè Isaku Adifee kó debire nè Sim̀o Sedotibe kó dit̀inní kou nè Sudi Isaku kó debire.

14 Kè benitipòbè mabè múnke ndè bo nè Maari Yesu yó nè Yesu neí, bem̀ou kè bè nwē nke báá nKuyie nè meyεmmè m̀emáà.

Wèè c̀outé Sudaasi kó dif̀t̀iri

15 Diyiè mari ke ś mbè tó t́kú, ke bo ntùòke tekòutè nè sipísídé (120), kè Pierii béi nke d̀:

16 N k̀be Muyaánsààm̀ do niité Dafitii k̀o w̄ari t̀ Sudaasi k̀péi, nwèè niiténí bèè p̄i nYesu t̀ d̀ nkédò̀mu.

17 Sudaasi do tú ti kou nwe k̀è ti w̄e nke p̄i mmutõmm̀.

(
18 K̀ò ỳe ke donténè kupaku o yei nkó idíítí, ò nù́nè d̀e omáà, ke donní ke p̀nte, k̀o nauti c̀ité c̀ité.

19 K̀è Sedisademmu k̀be bem̄uu ỳíté de k̀o tináànti ke yu de k̀o kupaku ke tú: Mukũũ nkó kupaku. Nè be k̀o tináànti Akedidamaa.)

20 T̀i w̄arimu Yesãã mpátiri mièke ke tú:
O c̀ítè bo naá nkudobonk̀u,
bá òm̀u t̀enke bá ntè ã,
k̀o t̀u m̀u c̀uté o f̀t̀iri.

21 D̀è d̀ò ntí ỳa oǹti m̀u nwe wèè do ti bonè Isãã ãã d̀i m̀nni bàtém̀u,

22 k̀entò k̀etuòkenè Yesu d̀ekemè k̀inkè, k̀o ti w̄ennénè k̀è ti nnáá nYesu kumè ke ỳántè.

23 K̀è bèè deite beǹtìbè bèdébè, Sosefu bè do tú wè Baadisabasi k̀ò yu ke d̀ Susituusi nè ot̀u m̀u bè tu wè Matiasi.

24 K̀èdeè k̀ébántè Kuyie nke d̀: Ti Yiè nf̀ò ỳe beǹtìbè ỳemmè, a tí benke a t̀átè wè beǹtìbè bie mmieke,

25 k̀o c̀uté Sudaasi f̀t̀iri, ò ỳu d̀i, ke k̀te o k̀o kuce.

26 K̀è bèè t̀ũ tétè k̀è tétè do Matiasi ìnkè, k̀o w̄ennénè Yesu t̄rè tepítè nè dimáà.

2

Muyaánsààmù cùténímè

¹ Kè Pāntikoti kó diyìè nyóó tuòke, ke ś mbè tìkú dibòrì òmáà.

² Ké nyóó daate kékeè kutoweku makù kè kù cutiní keĩnkè ke donnè kuyaakperíkù, ké bè kpèéte bemou bè kàri tèè c̄f̄ètè mièke.

³ Kè bèe yà ihāādεεm̄bli kè ì donnè inóndie nkéítotírí ke commu be ĩnkè.

⁴ Kè Muyaánsààmùu bè píe, kè bèe keté kénnaá ntínáànc̄h̄ntì.

⁵ Dè do ś nSifube bèè ìténí titentì timou ke kòtení ke bo Sedisadεmmu. Bè do tú bèè dé bèmbε Kuyie.

⁶ Bè kèè dù mōnnì kutoweku ke tínní, kè dèe bè di mediè nke yé bá wè ò do yomè kè bè nàá nho kó tináàntì mómm̄ntì.

⁷ Kè dèe bè kpeí mediè, kè bè mbè wùó nke tú: Dè í dò nKadidee kòbe mbe bemouà?

⁸ Dè né dōmme bá wè kòò yo bè nàámmè o kó tináàntì?

⁹ Tì mièke kè bèmabè bonní Paditi kó ketenkè: Medii nè Medammu Mesopotamii nè Sudee nè Kapadoosi nè P̄s̄ Asii kó ketenkè mièke.

¹⁰ Nè Fidisii nè Pānfidii nè Esibiti nè Dibii kòbe mabè bèè t̄k̄énè Sidenni, kè bèmabè bonní Odommu, kè betòbè tu Sifube mómm̄m̄m̄be nè bèè t̄ũ nSifube kó kuwed̄uncε nè Kereti kòbe nè Adabii kòbe.

¹¹ Nè m̄emme kè ti yo bè nàámmè bá wè o kó tináàntì ke s̄ántì Kuyie nku dieti kpéí.

¹² Kè dèe bè di mediè, bè í nyà bè bo béi ntì, kémbékú betòbè ke tú: Ba mbotí nku diè?

¹³ Kè bèmabè mbè daú ke tú: Bè muó m̄menaà nnatimè mme.

Pieri nàké tì Muyaánsààmù cùténí dìi yìè

¹⁴ Kè Yesu tōrè tepíítè nè yèdéè íté kécómmù, kè Pieri nnáánnè ditínnì mækperímè ke tú: Díndi Kadídee kòbe nè bèè kó dimàà kòtení Sedisadεmmu miεke! Kénténè kékeè n yóó di náké tì.

¹⁵ Di yèmmè bá ndò mbenitibè biε mmuó mmenaà, diyìè kpaá ke bεmmu.

¹⁶ Kuyie pāānāantì nāantò Sowεeri do nàké tì tii dāò. Tii tu:

¹⁷ Yεwe sonye mmiεke m bo cūūnní Muyaánsààmù benitibè bεmou ñnkè, di kó bedapàmbè nè di kó besapàmbè bo naá m pāānāantì nāāmbè. Kè bebémbè ñyau mebεnkùmè. Kè bekótibè ñyau tidòuntì.

¹⁸ De kó yεwe miεke m mènke yóó cūūnkomu n Yaá n kó benitibè bεmou ñnkè, benitidaabè nè benitipòbè kè bèε naá m pāānāantì nāāmbè.

¹⁹ M bo dāò tidietì keñnkè nè ketenkè, meyĩ nnè muhāā nè kuyukú diεkù dè bo mbo de kó diyìè.

²⁰ Diyìè bo soute, kòo tǎnkùu wūōté kéndò meyĩ, kè ti Yiè nkó diyìè diεrì né na kétuakení, dìi duò tikōmbùàtì.

²¹ De mǎnnì wèè bo kuónnè ti Yiè nKuyie nhò bo cooté.

²² Díndi Isidayεribe kénténè kékeè n yóó di náké tì. Yesu Nansareti kou Kuyie ndi benke wèè miεke ku wērímú, kòò dāò tidietì, di mómmεmbe kè di yà.

23 Bè we ndi fiténè Kuyie ndo tì yému nè dimànnì, kuù duó nkè tì dòò, kè di ò duó mbèè í yé Kuyie nkè bè ò baaké koò kùò.

24 Kè Kuyie nduó nkòò yànté, kè kù ò dɛɛténè mukũũ nkó iwɛĩ, ke yé mukũũ ndo í dommè mù bo na kòò pĩnné muwɛrímú.

25 Dafiti do nàké weè kpéí nke dò:

M búó n Yìè sãã,

ke yé we m bonèmè m báá kpeute.

26 Dɛè te kè n yèmmè naati,

kè n diènnè diwèl.

27 Ke yé ke dò mbá kè n ku,

m bá nkpaá kufõti mièke.

Ke yé a í yóó yóumè a kou kòo pããke.

28 A m benkemu mufòmmu kó kuce,

ke yóó nni mbonè ke n duò diwèl.

29 N kòbe n dó ke di nàké ti yààrì Dafiti kpéí nke, ò kúmu, kè bè ò kũnné kòo fõti kpaá bo nè yíenní.

30 Ò do tú Kuyie mpããnáàntì náàntò nwe ke nyé ke dò nKuyie mbéi ke tú kù yóó kanne o yaàbire marè o kpààtikàrì ìnkè.

31 Dafiti do náá nKirisi yóó yántémè mme ke tú:

Ò í yó nkpaá kufõti mièke.

Ò í yóó pããke.

32 Weè Yesu nwe Kuyie nduómmè kòò yànté timòu kè ti ò yà.

33 Kè Kuyie nhò tùóté koò kànnè kubakù you, koò duó Muyaánsààmù kù do nàké mùù kpéí, kòò mù nti duònní, dɛnde di kèèmè ke dè yà.

34 Dafiti í dèke keĩnkè ke né béi nke dò:

Kuyie nnàkému n Yìè nke tú:

Nkari m bakù yóú,

³⁵ kè n yàa da duó nha kprantídèntòbè

kàa bè cùùti.

³⁶ Isidayεεriβε di tũ mbanté ke dò nYesu di baaké wè kudapããtí ñnkè, Kuyie nwe ndòò ti Yiè nti δεετίwè.

³⁷ Bè kèè diì mǎnni δε κό tináaǎnti kè tii bè kàáké mesàà, nkè bèε beke Pieri nè Yesu tǎrè τεγέ ke dò: Ti kǎbenè ti dò nkédòò ba?

³⁸ Kè Pierii bè nàké ke dò: Ceetenè kè bè di ãnné bàtémmù nè Yesu κό diyètìrì, kè Kuyie ndi cǐé ndi yei nke di pã Muyaánsààmù.

³⁹ Ke yé kù béimmè δε κό tináaǎnti dī kpréí, nè di bí, bèè bo die nnè bèè dètìrì. Nè betòbè ti Yiè nKuyie nyóó yu bè.

⁴⁰ Kè Pieri mbè nàá ntináaǎnti teti péu ke yáúkùnkò be kǎnti ke bè tiè nke tú: Yiénnè Tináaǎnsààti kéyatènè dimàá benitiyeibe bie.

⁴¹ Bèè yie nho náaǎnti kè bèε bè ãnné bàtémmù kè bè nsū, be bo ntùòke sikǎupísitǎãti (3000), kè bèε wéǎnnénè Yesu kǎbe δε κό diyèè.

⁴² Ke ní nkémmù Yesu tǎrè bè nàá nti nè be yèmmè memou, kénwé nke yo nke yonnè Mudisààmù, ke báá nKuyie.

Kirisi kǎbe ketibè kó mufòmму

⁴³ Kè Yesu tǎrè ndǎori tidièti nè mebenkùmè péu nè δε kpréí nkè benitibèε yote Kuyie.

⁴⁴ Kè Kuyie nkǎbe ntiku sǎã, kè wèè mǎke dè bè nde wé mbemou.

⁴⁵ Kè bè nfiiti be kperε nè be paa nke totírì nè bèè kpa bá wè dè ò bèkúmè.

46 Kε ní ntíkú ke bo Kuyie ncīètè ke báá nKuyie, ke wē mmeyèmmè memáà ke yo mbetabè cēī, ke yonnè Mudisààmù.

47 Kε sántí Kuyie, nkè benitibè bemou be dó kè ti Yiè mbè yèútí yewe yemou ò deeté bè.

3

Pieri nè Isāā bè miékunnemè kuhòukù

1 Diyiè marì, diyiè tūntε dìi mōnnì Pieri nè Isāā kè bè nkōri mubáammu.

2 Kε nsó nhonitì mōu kàri ke tú kuhòukù nè bè ò preitémè, kè kù kàri Kuyie ncīètè kó dibòrì bè tú di disààri. Bè do kù tounímu yewe yemou ke kanninko deborè kè kù bo mmóú idíítí bèè taà mubáammu.

3 Pieri nè Isāā kè bè ntati kè kùu bè mōo idíítí.

4 Pieri nè Isāā kè bè nkù wùó nkè Pierii kù nàké ke dò: Tì wénté.

5 Kè kùu bè wènté kè ku yèmmè ñdò mbè yóó kù pā dèmarè ndε.

6 Kè Pierii kù nàké ke dò: N yí mōke idíítí ke bo da pā, m mōke dè, m bo dè nda pā. Nè Yesu Nansareti kou kó di yètìrì íté kékété!

7 Kε pī nku nòutè youtε, kényíinní, dende bàmbà nkè ku naàcèi nè ku báá nkè dèe kpenke.

8 Kè kùu puu kécómmú, kénεinè Yesu tōrè, kè bèε ta Kuyie ncīètè, kòo ncentì ke yānku, ke sántí Kuyie.

9 Kè benitibè bemou nhò wùó, kòò cèntì ke sántí Kuyie.

10 Bè banté dìi mōnnì ke dò nwèè do kari wenwe Kuyie ncīètè kó dibòrì sààri ke móú, kè dèε bè di bemou kè kufōwaá mbè pī nkè bèε mōnté ò yīmè ke miété.

Pieri do nàké tì

11 Kè de kóo nìtì baa ntũ Pieri nè Isãã, kè dèe di benitibè bemou, kè bè ncokòdo be borè kufiiku bè tú kù Sodomò kó kufiiku mièke.

12 Kè Pierii bè beke ke dò: Isidayeeriibe dè dòmme kè dè di di? Kè di ti wúó nke donnè tũ kó muwērímú mmu yoo ti kpa mèè kpéi meyei nte nkè onitì yie mmiété?

13 Kuyie nti yembè, Abarahammu nè Isaki nè Sakabu do tũ nkù kuù mièkùnne de kóo nìtì, ke déúkùnne ku kóo tōntì Yesu yètìrì di pĩ nwè, ke duó ndihèi yembè, Odommu kòbe, kè di ò yete Pidati iikè, ke s̄ nhò do dó kòò fĩ.

14 Kè di yete wèè dòdri Kuyie ndómè ke kpa meyei, nke bàntè okpààtì Pidati ke dò wèè fĩ onitikòtì.

15 Kè di kùò mufòmму yiè, kè Kuyie nduó nkòò yànté. Kè ti ò yà ke náá.

16 Yesu ti tá wè kó diyètìrì dii te, onitì di me nwúó nwè koò yé ò miétémè páíí. Ti tá mèè kpéi nke Yesu dèe te kòò kpenke.

17 N kòbe n yému ke dò nde kó dimònni díndi nè di kó bekótibè di do í yé di dòdri dè.

18 Kuyie mpããnáàntì náam̀bè bemou do ti nàkému nè dimònni ke tú: Odeetiwè dò nkéf̄ũté.

19 Ceetenè tũnke kécuó nKuyie mbíékè kè kùu ũté di yei.

20 Kè dèe yie nkè ti Yiè nKuyie di pã meom̀pùmè, ke di duònni Odeetiwè Yesu kù nàké wèè kpéi nnè dimònni.

21 Yesu yó mbo keĩnkè nke kè Muyaánsààmù tũntenè demou kè dèe náá ndepànnè ku pããnáàntì náam̀bè do tì nàké mèmme.

22 Mòyiisi do náá nweè kpéi ke tú: Kuyie mbo di duònni ku pããnáàntì náàntò kòò nni ndònnè. Di

nyíé nho kpeti timou.

²³ Wèè bo yete o kpeti bè bo ò dènnε Kuyie nkó benìtibè miεke kóò kùò.

²⁴ Kuyie mpānāan̄ti náam̄bè, kéketénè Sammuyεeri nè o fōnkúò kabe bè nàkému bemou ti mè mbo yèè we kpeí.

²⁵ De kó yewe bo dí kpeí nke, kè di kake Kuyie nkó metaummè miεke, ke yé kù do náannè dí yembè kù nàá ndì mōnni Abarahammu ke tú kù bo dōò mesàà nyibotì imou ketenkè miεke nè o kpeí.

²⁶ Kuyie nduanní ku Birε dí kpeí nke meketimè, kè dè bo di dōò mesàà nke di teennè kè dí yóu di dōòri mèè yei.

4

Bè p̄r̄m̄è Pieri nè Isāā ke kpetinné

¹ Pieri nè Isāā kè bè nkpaá ke náannè benìtibè, kè ikuó niùbè kó bekótibè nè Sadusiēbe nè tihāp̄r̄n̄ti tìi bàa Kuyie ncīētè ti kóo kótì kè bèε tuakení.

² Kè be miεkeε peike Yesu tōrè nāammè benìtibè ke tú: Yesu yānté kè becírìbè múnke bo yānté.

³ Kè bèε bè pī nke s̄ ndè dó kébiite kè bèε bè kpetinné dikpetintou kémbaanè dè bo wentémè.

⁴ Bá nè memme bèè kèè de kó tināan̄ti, kè bēmabèε tì ye nkénsū, bè bo ntùòke sikoupišinūmmù (5000).

⁵ Kè dèε wenté, Sifube kó bekótibè nè dihei kó bekótibè nè ikuó wāābè kè bèε tíi nSedisadεmmu.

⁶ Kè ikuó niùti diεwè Anni ndè bo nè o cīētè kabe: Kayifu nè Isāā nè Adekisāntiri nè ikuó niùti diεwè cīētè kabe sōmbe,

7 kédúó nkè bèè kòtènní Píeri nè Isǎǎ kè bèè bè beke ke dǎ: We ndi dúó mmuwǎrímú? Nè we nkó diyètìrì ndi di ò miékùnnemè?

8 Kè Muyaánsààmù piéké Píeri kòò bè nàké ke dǎ:

9 Isidayeeribe kó bekrààtìbè nè bekótìbè, ti dǎò mèè sàà nkuhùkù kprí nte kè di ti békú ke tú ti náké dè yǐmè kè kù mieté.

10 Benìtìbè bemou nè Isidayeeribe banténè tǔnké weti weti ke do nnè Yesu Kírìsi Nansarèti kou di baaké wè kudapáàtí, kè Kuyie ndúó nkòò yǎnté, wèè kó diyètìrì te kòò nìtì yie mmieté páíí ke cómmú di ììkè.

11 Yesu di yete wè, Kuyie nnáàntì nàá nweè kprí ke tú:

Bèè maà bè dootóo dii tári,

dii naá ndipũũ kó ditári mómmōnni.

12 Banténè ke dò nkutenkù kumou miēke òmou tǎu báá na kédèeté, Kuyie nti dúó nYesu nwe, wèè ti dèerí.

13 Kè bebeémbèè yà Píeri nè Isǎǎ be mǎke dii kǎm̀b̀ù̀d̀ kè dèè bè di mediè, nke yé bè do yémè ke dò mbè í bebíí yepáte mediè, bè do yé bè neitinè mè mme Yesu.

14 Bè né me nwúómme wèè mieté kòò córmú be borè bè í nyà bè bo ténne tì.

15 Kè bèè bè dèenne ke náké bemáà ke dǎ: Ti bo yǐme benìtìbè biè?

16 Sedisademma kǎbe bemou yǐmu beè dǎòmè tidietì tii, ti báá na ké tì nènni.

17 Kè ti né dǎ kè de kó tináàntì dǎke báá pité, ti bè kpanne, ké bè bàà kè bè ténke báá béinnè òmou Yesu kó diyètìrì.

18 Kè bèe wēte ké bè yùní ké mbè kpànnè ke tú: Di yɔ báá kú kè di wēte kényú Yesu yètírì òmòu borè yoo dí ò nàké o náàntì.

19 Pìeri nè Isǎǎ kè bèe bè tǎnné ke dò: Wénténè di móm̄m̄m̄b̄be Kuyie nyìkè nsa kè dè wenni, ti bo yiem̄m̄è dīi kp̄eti kényete Kuyie nk̄p̄eti.

20 Tínti báá na ke í mbéi ti yà dè nè ti kèè tì.

21 Kè bebeémbèe wēte ké bè yùní bè í nyà bè bo yīm̄è ké bè puotí, ke yóu, ké bè kpànnè, ké bè fīnko, ke yé benìtibè bem̄u do sǎntím̄è Kuyie nnè dèè dòò de kp̄éi.

22 Ke yé kuhòukù bè miék̄unne kù bie do p̄ētém̄è sip̄isìnà.

Yesu tǎrè m̄om̄è Kuyie ndik̄mb̄ù

23 Bè fīi ndìi m̄onni Pìeri nè Isǎǎ kè bè p̄ánk̄e ke ke be k̄obe borè, ké bè nàké ikuó niùbè kó bekótíbè nè bekótíbè bè bè nàké tì.

24 Bè tì kèè dīi m̄onni k̄ew̄enné kébántè Kuyie nke dò: Ti Yiè nf̄́ nwèè dòò ketenkè nè k̄ēnkè nè dàméèrì nè dèè kó dimàà bo o miēke.

25 F̄́òò do duó Muyaánsààmù ti yààrì Dafiti a kóo t̄ǎntì kòo béi nke dò:

Ba nte kè ibotí miēke cóu?

Ba nte kè yebotè dàkii

m̄eyi nk̄p̄éi nd̄etètìrè?

26 Kè kutenkù yembè baati dik̄p̄ànnì,

kè s̄ik̄p̄ààtib̄i w̄enné

ke kpànnè Kuyie nnè kù t̄āāté wè.

27 Móm̄muo Edoti nè P̄ōnsi Pidati bè w̄ennému diheì miēke nè bep̄òòbè nè Isidaȳeribe ke bo d̄òò m̄eyi nha kóo t̄ǎntì Yesu a t̄āāté wè wèè dò mp̄áíí.

28 Dè dòò a dó t̄inti nè dim̄onni ke tì t̄āāté.

29 Ti Yiè nwénté bè ti kpännèmè, kéduó nha kó betõmbè dikõmbùò kè bè nnáá nha náaàntì.

30 Βενκε α wḗrímú kēmmiekù́nko βεμουμβε, kéndòòrì tidietì nè μεβενκùmè nè α kóo tōntì Yesu yètìrì wèè dò mpáíí.

31 Bè bántè dìì mōnnì Kuyie nkédeè, kè ketenkèε sāntè bè tikú dè kè Muyaánsààmù bè píε nkè bè nnáá Kuyie nnáaàntì nè dikõmbùò.

Yesu kòβε kó mεwḗnnímè

32 Bèè kó dimàà do tá Yesu kè bè nwē mmeγèmmè mēmáà, òmòù í ntú ò te o kπεε omáà, bè do dè wḗrímμ βεμòu.

33 Kè Yesu tōrè nnáá mβenìtìbè nè muwḗrímú Yesu yàántémè, kè Kuyie mbè bonè κε bè dòòrì mesàà.

34 Òmòù í mmónnì dèmarè βε miεκε, bèè mòκε δεραα nyoo sicéí kè bè ndè fiiti κε tounì idíítí

35 κε duò nYesu tōrè kè bè toti bá wè dè ò bèkúmè.

36 Onìtì mòù kè bè ò tu Sosefu Defii kó kuwuò kou, kè bè ò peíté Sipiri kó kutempē mmiεκε, kè Yesu tōrèε ò yu κε dò: Tikōnyauti yìè. Nè βε kó tináaàntì Bannabaasi.

37 Kòo fítè o paku kètónì idíítí ké ì duó nYesu tōrè.

5

Ananniyaasi nè o pokù Safidaa

1 Ananniyaasi nè o pokù Safidaa kè βε múnkεε fítè βε paku,

2 kέγαατε késōnne, kòo ñkōrinè isōnyi κε bo duó nYesu tōrè kòo pokù yé.

3 Kè Pierii o beκε κε dò: Ananniyaasi! Dè dòmme kàa yóu kè dibòò da ta kàa souté Muyaánsààmù, κε fítè α paku κε yààte idíítí κε sōnne?

4 A í kù fité dìi mǎnnì kè kù í tú a kǎkǎà? A kù fité dìi mǎnnì ke í nte idíítáà? Dè dòmme kàa yóu kè meyèmmè memme da ta? Dè í tú benìtìbè mbe a soutèmè, a souté Kuyie nku.

5 Kè Ananniyaasii kèè tii náaǎntì kédò kékú. Kè benìtìbèè dè kèè kè kufǎwaá mbè pǐ mmediè.

6 Kè bedapàmbèè íté kòò tùóté kékǎte kékūnné.

7 Kè dè mmǎke tewebiètè mefitimè mètàāti kòò pokùu taroo bá ò í yé dèè dǎd.

8 Kè Pierii ò beke ke dǎ: Di fité di paku i ndííti nyià? Kòò dǎ: Èè inyì.

9 Kè Pieri dǎ: Dè dòmme kè di dǎke ke bo yááké Muyaánsàdmù? Nte bèè kūnné a dǎu ke bo dibòri ke bo da túóté.

10 Kòò pǎnkee do Pieri ìkè kékú. Kè bedapàmbèè taroo ke sǎ nhò ku, kè bèè ò tùóté kékǎte kékūnné kéréénnè o dǎu.

11 Kè kufǎwaá mpǐ Kirisi kǎbe nè bèè kó dimàà tì kèè.

Yesu tǎrè dǎdòmè tidièti péu

12 Yesu kǎbe do wǎǎmmu meyèmmè memáà, ke tiku Sadomǎo fiiku mieke, kè Yesu tǎrè dǎdǎri tidièti péu.

13 Bá betǎbè í ndǎátí ke bo bè wǎǎnnénè kè benìtìbè mbè sǎntí.

14 Bèè tá ti Yiè nYesu benitidaabè nè benitipòbè kè bè nyéúti ke sūũnko.

15 Kè benìtìbè ntouní bemuǎmbe nè be mièti nè be tǎi ke dǎũnko kuce nùu, kè Pieri bo mpǎnké kòò fènkù dátinné be mieke òmǎu.

16 Kè Sedisademmu kó sihekésí kǎbe ntouní bemuǎmbe nè yebǎkè ta bè, bemǎu kè bèè mièté.

Bè fǎũmmè Yesu tǎrè

17 Ikuó niùtì diewè nè o kǎbe Sadusĩēbe kè bèe íté nè kemieke,

18 kǎpĩ nYesu tǎrè kékpetínné dikpetíntou.

19 Keyènkè mǎnnì kè Kuyie ntǎnnì kǎtení kékpeté dikpetíntou kó yecàkè ké bè dènne, ké bè nàké ke dǎ:

20 Kǎtenè Kuyie ncĩètè kénnáá mbenìtìbè mufòmmu kó tináahtì.

21 Kè bèe yie nkékǎte dikũnwehni sèl Kuyie ncĩètè, ke nnáá nKuyie nnáahtì.

Kè ikuó niùtì diewè nè o kǎbe kè bèe yú bebeémbè nè Sifube kó bekótìbè kǎtǎ nkè bè bo yúní Yesu tǎrè dikpetíntou.

22 Kè tihǎǎpǎntìi kǎte ké bè mǎhté, kéwētení ké bè nàké ke dǎ:

23 Ti sǎ ndikpetíntou kpetímu táu kè tihǎǎpǎntì bàa, kè ti kpeté ke ta ti me nyí yà òmǎu.

24 Kè dèe di tihǎǎpǎntì tìi bàa Kuyie ncĩètè kóo kótì nè ikuó niùtì diewè kè bèe mǎhté de kó tináahtì tu mù.

25 De mǎnnì kòò mǎu kǎtení ké bè nàké ke dǎ: Di me nkpetínné bèe nìtìbè bo Kuyie ncĩètè ke náá nKuyie nnáahtì.

26 Kè tihǎǎpǎntì kóo kótìi neinè o tǎmbè kè bèe bè pĩhni meyoðmmè ke yé bè do démè benìtìbè yàà bo bè bùstímè yetǎrè kékuo.

27 Kè bèe bè kǎtenè bebeémbè borè kè ikuó niùtì diewèe be beke ke dǎ:

28 Ti di nàkému ke tú: Di bá nnáá nhonìtì yie nkpeí. Dè dǎmmè kè di pité de kó tináahtì Sedisademmum o mǎu mieke, ke dǎ dè ndǎ tĩ te kè bè ò kùo?

29 Pieri nè Yesu tǎrè teyè kè bèe bè tǎhne ke dǎ: Ti dò nkéyie Kuyie nkpeti nti kè dèe pǎhté benìtìbè kpeti.

30 Kuyie nti yembè do tũ nkù kuù te kè Yesu yàhtë wenwe, di baaké wè kudapããtì koò kùò.

31 Kuyie nwe ndéúkũnne koò dǎò okpààtì, Odæetíwè, kè Isidayεεribe bo ceete kè Kuyie mbè cǐé mbe yei.

32 Ti ti nyé kè Muyaánsààmù tì yé mummu Kuyie duó mmù bèè yie nku náàntì.

33 Bebeémbè tì kèè dìì mǎnnì kè be miεkeε peike, kè bè ndó kékuò Yesu tǎrè.

34 Kè Fadisié mǎù dè bo kòo yètìrì tu Kamadiyεeri kòo yé Kuyie nkuó mesàà nkè benìtìbè ò dé, kòo íté kéduó nkè bèε mu ndenne Yesu tǎrè.

35 Kòo béi nke dǎ: Isidayεεribe, dǎǎnè meyoǎmmè benìtìbè bie.

36 Dè í mǎnte onìtì mǎù ãnnémè kè bè ò tu Tedaasi kòo yèmmè ndo nhò tú òmǎù, kè benìtìbè sikǎusinàà (400) nhò tũ. Kè bèε ò kùò kè bèε cíté kè dè dèè.

37 De kó difǎnkùò kè Sidaasi Kadidee kouu ãnné, kè kunitisũkùu ò tũnne kòo múnkεε kú kè bèε cíté.

38 N di náámmu di ténke bá ndake benìtìbè bie nkpeti, kè be tǎmmú bè pǐ mmù tú benìtìbè kǎmmu mù yóó deèmu.

39 Kè mù me ntú Kuyie nkǎmmu mmu di báá na ké mù pǎa. Dǎǎnè meyoǎmmè kè di báá dokénè Kuyie.

40 Kè bèε yie nho kp̄eti ke yúní Yesu tǎrè kéduó nkè bèε yè puotí yedá kè bè dǎ yè ténke bá nnáá nYesu kp̄éí kédeè ké yè fĩnko.

41 Kè Yesu tǎrèè íté bebeémbè borè nè kuyen̄naatí, ke yé Kuyie nsǎmmè bè mǎnnè bèε bè fǐũ nYesu kó diyètìrì kp̄éí.

42 Kè bè nsǎké yewe yemǎu Kuyie ncǐtè nè sicǐí miεke ke náá nTináansààtì Yesu Kirisi Odæetíwè kp̄eti.

6

Yesu kɔbe tããtè bè bèyiekè

¹ Dε m̀nni k̀ Yesu kɔbεε sũũ nk̀ Sifubε bèè nàá nk̀èr̀ék̀i k̀ bè nk̀pannè Sifubε bèè nàá nhebedee k̀e tú: Di í toti ti kó bekúpobè mudii mesàà.

² K̀ε Yesu tōr̀ε t̀p̀iítè nè ỳèd̀éé tí nYesu kɔbe t̃nni, k̀é bè nàk̀é k̀e d̀ò: D̀ε í wenni ti bo yóumè Kuyie nnáaànti k̀éndakənè mudii kó mutotimù.

³ Tããt̀énè di miεkε benitibè bèyiekè, bèè borime wenni, k̀ε Muyaánsààmù bè piéké, k̀ε bè m̀àkε m̀eciì, k̀é tí bè duó nde kó mutōmmù.

⁴ Dε m̀nni k̀ε ti p̀été m̀efiè nke mbáá nKuyie nke nnáá ku náaànti.

⁵ K̀ε Yesu kɔbe t̃nni yie nde kó tináaànti k̀étããtè Etienni wèè t́á Kuyie mmesàà k̀ε Muyaánsààmù ò piéké nè Fidipu nè Podokəə nè Nikannəə nè Timəə nè Padimenaα nè Nikodaα Āntiyəsi eì kou wèè do tũ nSifubε kó kuwedəunce,

⁶ k̀é bè k̀ətənè Yesu tōr̀ε borè, k̀ε ỳεε nóó nye nou be ĩnkè k̀ébántè Kuyie mbe kpéí.

⁷ K̀ε Kuyie nnáaànti d̀akε mpitírí, k̀ε Yesu kɔbe nsũũnko Sedisademma miεkε, k̀ε ikuó niùbè péuu yie nk̀éntá Yesu.

Bè p̃ĩrmè Etienni

⁸ K̀ε Kuyie nni mbonè Etienni kóò duó mmuwērímù kòò ndəəri tidietì nè m̀ebenkùmè càmmè benitibè cuokè.

⁹ K̀ε sifubε bèè do k̀ər̀i kutíintouku bè tú kù tidaati bè f̃iì ntì k̀əku nè Sifubε t̀əbè, Sidenni eì kɔbe, Adekisāntiri eì kɔbe, Sidisii nè Asii ek̀ε kɔbe k̀ε bèε yete Etienni kp̃eti k̀é nhò ǹèinè.

¹⁰ Bè mε nyí nhò na k̀ε ỳé ò do náánnè m̀eciì Muyaánsààmù ò duó mmè.

11 Kè bèe yóu kényietí benìtibè kè bè dò: Ti kèemu ò sãámmè Mõyiisi nè Kuyie.

12 Kè bèe íi mbenìtibè mieke, dihei kó bekótibè nè ikuó wãàbè, kè bèe pĩ nhEtienni kóò kàtenè bebeéndiebé borè,

13 kénneínè benìtibè kè bèe souté ke dò: Onìti yie nsáá nKuyie ncĩtè nte ke sãánnè Mõyiisi kó ikuó.

14 Ti kèemu kòò tu Yesu Nansarèti kou bo pante Kuyie ncĩtè kéceete Mõyiisi dõú nyii kuó.

15 Kè dibeéntĩnni dierì nwúó nhEtienni kòò ìkè cèete ke dò Kuyie ntõnni kòke.

7

Etienni nàké ti

1 Kè Ikuó niùti diewèe beke Etienni ke dò: Bè nàá mómumuõ nwaá?

2 Kè Etiennii béi nke dò: N tebii nè n cicèbè kénténè kékeè, Kuyie nnè ku kó tikpeti kuù do benke kumáà ti yààrì Abarahammu ò kpaá bo dìi mòmni Mesopotamii ke mu nyí kò Anaa,

3 kóò nàké ke dò: Yóu a cĩtè kòbe nè a èi kékote dihei n yóò da benke di.

4 Mèmmè kè Abarahammuu íté Kandee kékò Anaa, kòò cicee kú. Kè Kuyie nhò sònnènni di mè mbo dìi èi mieke yie.

5 Kuyie nyí nhò duó nketenkè deborè bá sámpó, ke né ò nàké ke dò kù bo ò duó nde kó dihei kòo yaàbí di tieke ke sá nhò nyí mòke debire.

6 Kè Kuyie nhò nàké ke dò: A yaàbí bo kote betòbè cie kénáá ntidaati kè bèe ì fěũ nyebie sikousinàà (400) mieke.

7 Kè n fěũ nde kó benitibè kè ìi íté ke pĩ n tǎmmú diè ndi nheì mièke.

8 Kè Kuyie ntaunnè kumáà Abarahammu ke dò bè ncāmmù. Memme kè Abarahammuu peité Isaki kóò cānté diyìè niínni yiè, kè bèe me nsòoté. Kè Isakii peité Sakǎbu kóò cānté kè Sakǎbuu cāmmú ti yààribè tepíitè nè bèdébè.

9 Kè ti yààribè mièke mpèl be tèbite Sosefu, kè bèe ò fité kòò bo naá nkudaakù Esibiti mièke.

10 Kè Kuyie me nní nhò bonè, kòò dèerí kòò duó mmeciì nkòo kpààtìi ò pénsìrì, kòò duó nho cǐètè temòu kòò mbaké.

11 Kè dikònni dierii tanní Esibiti omòu nè Kannahāā kè dè nyóù, bá ti yembè í mpètè bè bo di mù.

12 Kè Sakǎbuu keè tidiiti bomè Esibiti kètō nti yààribè meketimè.

13 Kè bèe wète medérímè kè Sosefuu bè benke omáà, kòò kpààtìi banté ò kǎbe tú bè.

14 Kè Sosefuu tǎ nkè bè bo yúní o cice Sakǎbu nè o cǐètè kǎbe bemòu sipíslyiekè nè bènùmmù.

15 Memme kè bèe kò nhEsibiti Sakǎbu de nku, kè ti yembè múnke de nku.

16 Kè bèe bè tǎ kékūnné Sisemmu Abarahammu do donté kùù fǔti nè idíítí Emòò bí borè.

17 Kè dèe tuǎke Kuyie ndo nàké ti Abarahammuu ti bo dǎòmè, kè ti kó kubotíi sũũ mmediè Esibiti mièke.

18 Kòò kpààtìi pànwè mòu buoté wèè í yé Sosefu,

19 kényóù mediè nke sénninne ti yembè, ké n duó nkè bè mbuànkò be bí kè ì kǎ.

20 De mǎnni ndi bè peitémè Mòyiisi kòò nwenni, kè Kuyie nni nhò dǎ, kè bè nhò yùòri o cice cǐètè mièke, kòò mmǎke betààbè bètǎàti

21 kè bèè ò bəntóo, kè Esibiti kóo kpààtì kóo sapàà nhò tùóté ké nhò yùàri ke dò nho birè mómmande.

22 Kè Məyiisi bebí Esibiti kó meciì mmeməu kénno mmutāmmú ke yé tináaàntì.

23 Ò tùòke dìì mənni yebie nsipísìnàà kětāāté kékəte ke bo yà o kəbe Isidayeeriibe,

24 kénsó Esibiti kou puotì Isidayeeriibe kou, kòo kónné o botí kou, kəpoté Esibiti kou kékəu.

25 Kòo yèmmə ñdò nho kəbe bo banté Kuyie nyóo duómme kè weè bè deeté. Bè me nyí mbanté.

26 Kè dèe wenté kòo tó nsó Isidayeeriibe mää kpà, kòo mbè pààtì ke dò: N kəbe dè yíme kè di kpa díndi kubotí kumáà kəbe?

27 Wèè do dó kəna otàù kòo baao ke dò: We nda pì ntikpàtì kàa bo nti bekùnè?

28 A dó ké n kuə a wee kùəmè mme Esibiti kouà?

29 Kè Məyiisi tì kèè kécoké kékəte Mandiyā kó ketenkè ké nke mbo kəməote ibí ìdèì.

30 Yebie sipísìnàà kó difōnkúò kè Kuyie ntōnni kətení o borè Sinaii kó ditāri také, dikpàà cuokè difāpèu mari mieke kè di còú.

31 Kè Məyiisi dè yà kè dèe ò di kòò ntóontoo ke bo dòkə wénté, kékəè ti Yiè nKuyie ntammè kè mè tu:

32 Mii tu Kuyie nha yembè Abarahamu, Isaki nè Sakəbu bè do tū nkù, kè Məyiisi kəntì ñhau ò í ndàátí kəwénté.

33 Kè Ti Yiè nKuyie nhò nàké ke dò: Deite a neùtì a cómmú kèè tenkè tú Kuyie nkəke nke.

34 N yà n kó ibí fēūrìmə mme Esibiti èi mieke, ke kèè i dabùò nke cùténí ke bo ì deeté ke yóo da tō nhEsibiti.

35 Mɔyiisi Isidayεεribε do yetε wè κε δò: We nda pĩ ntikpàtì kàa ti bekùnè, Kuyie nwèτε κε we ntōnnì kòo naá mβε kóo kpàtì, be δεετίwè nè Kuyie ntōnnì ò do yà dì difāpèù miεκε di kó μετεèmmè.

36 Weè bè dènnε tidaaτì miεκε, κε δòò tidieτì Esibiti miεκε nè dàμέèrì wũōwè miεκε nè dikpàà miεκε yeβie nsipìsìnàà.

37 Weè do bè nàké κε δò: Kuyie mbo di duənnì ku pāānāaτì nāaτò məù, di botí kou, kòo nni ndònnè.

38 Weè do bonè Isidayεεribε ti yembè dikpàà cuokè bè do tìkù dè Sinaii tāri, kè Kuyie ntōnnì ò nàánnè, Kuyie nwe nduó mmufòmму kó tināaτì, kòò tì nti tùo.

39 Kè ti yembèε yetε o kpεti kóò bàào kéndó kéwèτε Esibiti.

40 Kε nàké Anəo κε δò: Ti í yé τì tùòkení Mɔyiisi wèε ti dènnenì Esibiti. Tí dəò Kuyie nkùù nti dōnnè.

41 Kè bèε dəò mεsəo nkè dè ndò nkunaabiiku, kè bèε kù fié iwũō, kényānku nè bè dəò dè be mómməμβε δε κρεί.

42 Μὲmε kè Kuyie mbè yóu kè bè mbáá ndiyiè nè otānkù nè siwāā, kéndōnnè τì wārimè Kuyie mpāānāaτì nāaτò pátiri miεκε κε tú:

Isidayεεribε,

di do n feumu iwũō yeβie nsipìsìnàà

di do dəò yè dikpàà miεkaà?

43 Di do dəò dibəò Məðəki tenkaanìτè nτε

nè Defāā kó τewàτè kè ndε báá.

Dεè te kè n yóo di denne

κε di pēē mBabidənni.

44 Ti yembè do məκε Kuyie nkó ditou ndi dikpàà cuokè, Mɔyiisi do dəò dì kè di ndōnnè Kuyie nyē

nwèe di dǎ̀dò kè di ndòmme kù do di nhò benke kè di ndòmme.

⁴⁵ Kè bè ndi tǎuti kè Sosuwee yàà bè tanné dihei Kuyie ndo bèti dii miεke bèè í kù tũ. Kè di mbo kétuαkenè Dafiti kó dimònni.

⁴⁶ Kòò dà: Ò bo maá Kuyie nSakɔbu do tũ nkù tɛɕĩtè ke yé kù ò dǎ̀dòmè mesàà.

⁴⁷ Nè memme kòo bire Sodomɔ weè né kù maá tɛɕĩtè.

⁴⁸ Kuyie nkùù bo keĩnkè kù í ã benitìbè maá sù cǐĩ miεke, Kuyie mpǎānǎāntì nǎāntò béimmu ke yĩ:

⁴⁹ Kuyie ntu:

Keĩnkè tu n kpààtikàrì,
kè ketenkè tu n nacèdaánni.
Ɔndi bòrì ndi n dò nkéom̀pè̀mè?

⁵⁰ Dè í tú mĩ dè dǎ̀dò demɔuà?

⁵¹ Kè Etiennii sɔtè kébèi nke dà: Di to yeè kpeñni di yembè kpeye do dòmme, di í dó kékeè Kuyie nkpeti, ke yetírì Muyaánsààmù yè mmù sǎǎ.

⁵² Di yembè do fěũmmu Kuyie mpǎānǎāntì nǎāmbè bemɔu, kékuɔ bèè nǎá nhowenniwe kǎrinímè, kòò kòtení, kè di ò fité kòò kù.

⁵³ Kuyie ntōrè di duómmu Kuyie nkó ikuó bá di í yie nke ì tũnne.

Bè bùótímè Etienni yetárè ke kùò

⁵⁴ Kè bebeémbèe tì kèè kè be miεkeε peike Etienni kè bèe maá nyebìè nhEtienni kpéí.

⁵⁵ Kè Muyaánsààmù mpíéké Etienni kòò bùò keĩnkè, káyà Kuyie nkó tikpeti kè Yesu cómmú Kuyie mbakù you.

⁵⁶ Kòò béi nke dà: Keĩnkè kpetému kè n wùò nhOnitìbire kè dè còmú Kuyie mbakù you.

57 Kè bèe pi be to kéwekii mediè, kébunnóo bemou o bíékè.

58 Kòò dènnè dihei mànkú kòò bùótí yetárè kébannè be yààti odapàà mmòu kòo yètìrì tu Sòri.

59 Kè bè mbuati Etienni yetárè, kòo bántè Kuyie nke dò: N Yiè nYesu còuté n wěnnì.

60 Kédeè kédo kénínkú kérékè ké dò: N Yiè mbáá bè yietí be yei!

Ò béi mmemme kékú.

8

1 Sòri do wěnnèmu bèè kòu Etienni.

Bè fěũmmè Kirisi kòbe

De kó diyìè kè bèe fěũ nKirisi kòbe Sedisademma mièke. Kè bèe cìété bemou kékòte Sudee nè Sammarii kó ketenkè kè Yesu tōrè yeè mää ñkpáá.

2 Bèè dé Kuyie nè bèe kũnné Etienni kékòmmú o kũũ mmediè.

3 Kè Sòri nkòrì Kirisi kòbe cěĩ ke pĩ mbenitidaabè nè benitipòbè ke kpetì.

Fidipu nàkémè Tináansààti Sammarii

4 Bèè cìété kè bè nkòrì yehèkè yemou ke náante Tináansààti.

5 Kè Fidipuu kòte Sammarii kó dihei marì ké bè nàké Kirisi kprí.

6 Kè benitìbè bemouu yie, kénkémú o náantì, ke wúó nhò dòòrimè tidietì.

7 Kè yebòkè kuò nke yìè benitìbè mièke, kè tihòùti péu nè yecěè nkè dè mièrí.

8 Kè kuyènaatí dièkú ríbo de kó dihei mièke.

9 Kε sǎ nhonìtì mǎu dè bo kòo yètìrì tu Simǎo, kòò ní ndǎari tidietì kè dèe di Sammarii kǎbe, kòo yèmmè ñdò nhò tú òmǎu.

10 Kè benitìbè nhò tũ, nyibí nè bekótìbè ke tú onitì yie mmǎke Kuyie nkó muwērímu diemù.

11 Bè do ò tũ nke yé ò dǎòrimè tidietì sǎǎ.

12 Bè yie ndii mǎnni kéntǎ Fidipu bè nǎa ntii nǎaansǎàtì, Kuyie nkprǎàtiyuu kpeti, nè Yesu kó diyètìrì kè bèe bè ãnné bàtémmù benitidaabè nè benitipòbè.

13 Kè Simǎo múnkεε yie nkéntǎ Yesu kè bèe ò ãnné bàtémmù kòò mbonè Fidipu ke wúó nho dǎòrimè tidietì nè medǎòrimè cǎmmè kè dèe ò di.

14 Yesu tǎrè yèè bo Sedisadεmmu miεke kè yèe keè Sammarii kǎbe yiemme Yesu, ké bè duónko Pieri nè Isǎǎ.

15 Kè bèe tuǎkoo ké bè bántènè Kuyie nkè bè bo pété Muyaánsǎàmù.

16 Kε yé mù mu ndo í cùténímè be kòò mǎu ñnkè, bè do bè ãnné bàtémmù nè Yesu kó diyètìrì mǎa ndi.

17 Pieri nè Isǎǎ kè bèe bè nǎò nsinǎu kè bèe pété Muyaánsǎàmù.

18 Kè Simǎo yǎ bè bè nǎómmè sinǎu kè Muyaánsǎàmù cùténí kètǎní idíítí ke dǎ:

19 N duónnè de kó muwērímu, kè n nǎò nwè sinǎu wèe pété Muyaánsǎàmù.

20 Kè Pierii ò nǎké ke dǎ: Feti nè a díítí, ke yé a yèmmè dǎmmè bè do nKuyie nkó dipǎnni nè idíítí.

21 A í kǎké de kó mutǎmmú miεke, a bǎá pété de kó dipǎnni, ke yé a toti mèe yèmmè í wennimè.

22 Yóu meyèmmè yeime kéceete kémoo Kuyie mmeɔ́ém̄mè kè dè naati kù da ɔ́é nha toti m̄è yèmmè yeime.

23 M bantému ke dò nha m̄ake meyèmmè yeime ke tú meyei nkó kudaakù.

24 Kè Simoo náké Pieri nè Isāa ke dò: Di mómm̄mbe bántènè ti Yiè nKuyie n kpéi nkè di nàké ti bá n tuokení.

25 Pieri nè Isāa kè bèe náké bè yà dè ke náké Tináansààti kédeè, kénw̄eti Sedisademmu ke náantoo Tináansààti Sammarii kó yehékè péu yèè t̄kénè kuce.

Fidipu nè Etiopii kou

26 Ke Kuyie ntōnni náké Fidipu ke dò: Íté kékote diyè yè kèè bíékè. Sedisademmu kó kuce, kùu yèè dikpáa cuokè ke k̄rinè Kasaa.

27 Kè Fidipuu íté kékote k̄yà Etiopii èi kóo ni-tipokpààti Kāndaasi kpààtiɔ́t̄t̄ kóo kóti. Bè do ò f̄ntemu kòo mbaà tikpàti. Dè do s̄ nhò boní Sedisademmu nwe ke k̄nti o cie,

28 ke kari o naàsāntè miéke ke kaà nKuyie mpānānānti náantò Esaii kó dipátiri.

29 Kè Muyaánsààm̄u náké Fidipu ke dò: Kétóo kéninte de kó tenaasāntè.

30 Kè Fidipuu coké k̄t̄ónkoo, kékeè ò kàammè Kuyie mpānānānti náantò kó dipátiri, kòo ò beke ke dò: A banté a kaà ntàà?

31 Kòo t̄nné Fidipu ke dò: M bo ȳime k̄banté kòò m̄u í n nàké ti tu m̄u? Kéduó nkè Fidipuu deko o naàsāntè miéke k̄kari kóò p̄ènnè.

32 Ò do kaà nt̄i náant̄i tu:
Ò do dò nfepièfè bè k̄rinè f̄nf̄ mukòu,

dipebii bè kǎĩ dìi cìtì kè dì cǐéké,
ò í ààte o nùù.

³³ Kè kǎkùnnè omáà kè bè ò sènkèrì,
koò dǎò bè do í dò nkóò dǎò dè,
òmǎù báá na kénáké o wuǎ nna ndòmǎè.
Kè yé bè ò kùǎmǎmu ketenkè ìnkè.

³⁴ Kè de kóo ãǎpǎnkótìi beke Fidipu ke dǎ: N
da báámmu n náké, Kuyie mpǎǎnǎàntì nǎàntò nǎà
nhomáà kpéínǎà kòò mǎù kpéí?

³⁵ De mǎnnì kè Fidipuu ò tǔntè de kó tinǎàntì, kóò
náké Tinǎànsǎàtì, Yesu kpèti.

³⁶ Kè bè nkérí kétuǎke menie mmamè, kè weè nìtì
dǎ: Nte menie, bá ndiítì a bo nhǎnnémè bàtémǎù? [

³⁷ Kè Fidipu dǎ: Kǎa tá nè a yémǎè memǎu dè í
yóù. Kòò dǎ: N támu ke dò nYesu Kiriisi tu Kuyie
mBire.]

³⁸ Kòò cónné tenaasǎntè kè bèè ta menie mmieke
bedé, kè Fidipuu ò ãnné bàtémǎù.

³⁹ Bè yènnì dìi mǎnnì menie mmieke, kè
Muyaánsǎàmùù túóté Fidipu, kè weè nìtì ò mǎntóo,
kénsǎké o ce nè kuyèñnaatí.

⁴⁰ Kè Fidipu nyóó daate ke bo Asoo, késǎoté
kénǎàantoo Tinǎànsǎàtì yehékè yemǎu ke yǎa
tuǎkenè Sesadee.

9

Sǎari cèètemè (Yesu Tǎrè 22:6-16, 26:12-18)

¹ De kó yemǎrè kè Sǎari baa kpǎá fǎũnko Yesu kǎbe
ke bè kòù, kékǎte ikuó nìtì dièwè borè,

² kòò beke yepǎte ke bo kǎte Damaasi kó titííntouti,
képǐmmú Yesu kǎbe benitidaabè nè benitipòbè
kéboú kékònnè Sedisademmù.

3 Μενήμε κòò nkérí kéhautóo Damaasi ké nyóó daate kè kuwenniku makù cùténí o ìnkè ke pĩnti.

4 Kòo do ketenkè, kékèè metammè mamè kè mè tu: Sòori, Sòori, dè yĩme kàa nfěũnko?

5 Kè Sòorii beke ke dò: Fǒ nwe nni nwe kè mèè ò tǝ́nǝ́né ke dò: Mí nYesu nwe a fěũnkomè.

6 A né íté kéta dihei kè bè da náké a dò nkédòòmè.

7 Bèè ò neínè kè bèe keè metammè bè me nyí nyà wèè nàá, kè dèe bè di kè bè ndò nyúóó.

8 Kè Sòorii íténí kékéwénté ò í nna káyà dèmarè, kè bèè ò dète kékòtenè Damaasi.

9 Kòo mbo, ke dò yewe yètããti bá ò í wúó, nhò í yo, nhò me nyí yǝ́.

10 Ke sǒ nYesu kou mǝ̀u dè bo kòo yètìrì tu Ananniyaasi, kè Kuyie nhò yu ke dò: Ananniyaasi! Kòò dò: N Yiè nte mí!

11 Kè kùu ò nàké ke dò: Íté kékòte kuce bè tu kù kuce kùu sìé, Sudaasi cǝ́tǝ́tè, kèbèke bè tú wè Sòori Taasi kou, kòò m bàá.

12 Kè nh ò benke òmǝ̀u kòo yètìrì tu Ananniyaasi, kòò kòtoo kòò nǝ̀ó sinǝ̀u ke bántè Kuyie nkòò bo wǝ́te kékéwénté.

13 Kè Ananniyaasii béi nke dò: N Yiè! Benitibè péu n nàkému de kóo niti dòò mèè yei nha kàbe Sedisademma mièke.

14 Kè ikuó niùbè kó bekótibè ò duó ndinùù kòò bo pĩmmú bèè tu a kàbe kéboú.

15 Kè ti Yiè nhò nàké ke dò: Kòte kè mǝ̀i ò tããtè kòò bo náké n kpéi nyebotè nè bekpààtibè nè Isidayeeribe.

16 N yóó ò benkemu ò dò nkéfěũtè mèè botí n kpéi.

17 Kè Ananniyaasii kòte kénóó sinǝ̀u Sòori ìnkè ke dò: N tebite Sòori! Ti Yiè nwèè da benke omáà kuce

wèè n tǎnní kàa bo wēte ḱéwénté kè Muyaánsààmù da píe.

¹⁸ Dè mǎnnì kè dèmarèe yenní o nuò ke donnè yeyĩnyìéékè kédò, kòò wēte ḱéwénté, kè bèè ò ànné bàtèmmù.

¹⁹ Kòò di, ḱéwēte ḱépété muwēríímù.

Sõari nàkémè Yesu kpéi Damaasi

Kòò nkpaá Damaasi ke dò yewe sàm̀pó ke bonè Yesu kòbe.

²⁰ Kè p̀̀ankè nnáá titííntouti mièke Yesu tùmè Kuyie mBìrè.

²¹ Kè dèe di bèè kó dimàà tì kèè kè bè ntù: Dè í do ñwèè do f̀̀éũnko wènwe Yesu kòbe Sedisadèmmaa? Ò í k̀̀tení ke bo bè p̀̀írmúmu ḱéboú ḱéduó nyikuó ñiùbàà?

²² Kè Sõari ðake ñkpénkú Kuyie nnáàntì mièke, ke náá nSifube bèè bo Damaasi mièke Yesu tùmè Kiriisi.

²³ Kè dèe yíé ḱémonte sàm̀pó kè Sifubèe ðake ke bo kuò Sõari,

²⁴ ḱémbaa yebòrè keyènkè nè kuyie nkè dè bo yie nkè bèè ò kùò.

²⁵ Kè Yesu kòbèe ò t̀̀oté nè dimámmùyáà keyènkè makè ḱésée nkuduotí.

Sõari wènnémmè Yesu tǎrè

²⁶ Kè Sõarii tuòke Sedisadèmmu ḱéndó ḱéwènnénè Yesu kòbe, kè bè nhò dé, bè í ntá ke dò nhò mènke c̀̀uté Yesu.

²⁷ Kè Bannabaasii ò niité Yesu tǎrè borè, ḱé bè nàké ò yà mèè botí ti Yiè nnè ti Yiè nhò nàké tì, nè ò nàké mèè botí ti Yiè nkpréi Damaasi mièke nè dikòmbùò.

²⁸ Kè bèè ò c̀̀uté, kè bè nwē nke ceñti Sedisadèmmu ke náá nYesu kpéi nè dikòmbùò.

²⁹ Kòò múnke nnáá Sifube bèè náá kerèki, kè bè nèi kè bè nwanti ke bo ò kùò.

30 Kòo kàbɛɛ tì kèè, kóò kàtɛnɛ Sesadee kòò bo kò nTaaasi.

31 Dɛ kó yɛmàrɛ miɛke Kirisi kàbɛ bèè bo Sudee nè Kadidee nè Sammarii dɛ kó itempɛ mmiɛke kè bèɛ om̃pɛ, kénkpénkú Kuyie nnáaɛntì miɛke ke sũũnko kè Muyaáansààmù bè bonè.

Pieri miékùnnemè Endee

32 Kè Pieri ñcɛntì tipíntì timəu ke siètɛ Yesu kàbɛ, kékɛtɛ Didaa èi kàbɛ borè.

33 Ke nsó nhoniti mɔ̀u bè tú wè Endee náá kuhàùkù, yɛbie nyèni ke dɔ̀u.

34 Kè Pierii ò nàké ke dò: Endee Yesu Kirisi da miékùnnemu! Íté kétúóté a dóù!

Dɛndɛ bàmbà nkòo íté.

35 Kè Didaa èi kàbɛ bɛmɔ̀u nè Sanəə èi kó kutempɛ nkàbɛ kè bèɛ ò yà káyie nYesu.

Pieri fòùkùnnemè Dərikaasi

36 Onitipòkù mɔ̀u wɛè do bo Sopee kòo yètiri tu: Tabitaa, nè kerɛki kó tináaɛntì Dərikaasi, kòò d̀̀̀̀ri mɛsàà ke teénnè bɛcĩrìbè,

37 kɛmuəke kékú kè bèɛ ò wùə kédóú nkudànkù kudieku.

38 Kè Yesu kàbɛɛ keè Pieri bomè Didaa ke tókénɛ Sopee, kət̃ mbenitibè bèdébè, kè bè bo ò bántɛ kòo kàtɛní mɛcãã.

39 Kè Pieri pánkɛɛ íté ké bè neinè kè bèɛ tuəke kédɛke kudànkù kudieku, kè bɛkúpobè kàri ke kuò, nkóò bɛnkɛ Dərikaasi do kpaá ke fòù ké bè dùòkɛ yèè yaàbòrè.

40 Kè Pierii denne benitibè bɛmɔ̀u kénínkú kebántɛ nKuyie kɛwɛɛtɛ ocí bíékè ke dò: Tabitaa, íté!

Kòo wénténí kóò yà, ke íté, kékari.

41 Kè Pierii pĩ nho nàùtè kòò teennè kòo íté kécómmú, kòo yu Yesu kàbe nè bekúpobè ké wè mbè benke kòo fòùtè.

42 Kè Sopee kàbe beməuu tì kèè kè kusũkùu yie nYesu.

43 Kè Pieri mbo Sopee kéməntè. Ò do bo okənnuurìwè məu cĩètè nte kè bè ò tú Siməə.

10

Kərinèi yumè Pieri

1 Onìtì məu wèè do bo Sesadee kòo yètìrì tu Kərinèi, kòo tu ohăăpənkótì, ke ni Odommu kó tihăăpəntì tekòùtè (100),

2 ke dó Kuyie nnè o cĩètè teməu, ke kù dé, ke kù bàá nsăà ke pãã nyepărè Sifubè kó becĩribè.

3 Diyìè marì kuyuoku tewebìètè mètăāti mənnì kè Kuyie ntənnì taroo o cĩètè kòo di yà weti weti, kè dìi ò yu ke dò: Kərinèi.

4 Kòo dì wènté kè kufəwáá nhò auté kòo dò: N Yìè ndè dòmme? Kè dìi ò nàké ke dò: Kuyie ncəutəmu a báámmu, ke pénsìrì a pãrè a pãã nyè becĩribè, ke dààtení a kpéí.

5 Tə mbenìtibè Sopee kè bèè yúnì Siməə bè tu wè Pieri.

6 Ò bo Siməə okənnuurìwè cĩètè nte dàméèrì také.

7 Kuyie ntənnì ò nàké kédeè kéíté, kòo yú o təmbè bèdébè nè kuhăăpənkù ò tá kù, kè kù dó Kuyie,

8 ké bè nàké dè dòò mèè botí kédeè ké bè tə nSopee.

Kuyie mbenkemè Pieri dèmarè

9 Kè dèè wenté kè bè nkérí ke tónnnènko Sopee, kè Pieri dèke kudànkù ke bo dəu nKuyie kè diyìè còmú yeyə.

10 Kè dikònni ò pĩ nkè bè nhò bèrí mudii, kè Kuyie nhò benke dèmarè.

11 Kòo yà tiwetì kpetémè kè dèmarè cutiní kèĩnkè ke dònne kuyààkù, ke píítí de píitì tìnàà ke tóonteni ketenkè.

12 Kè iwũs iməu botí bo de miεke: Itàake ìnàà kpɛyi nè iwààke nè tinòtì tibotí tibotí.

13 Kòo keè metammè mamè kè mè tu: Pieri íté kékuə kécááké.

14 Kè Pierii yete ke dò: Áà n Yiè! N yí di diyie mari ikuó yete dè nè dèè í wenni.

15 Kè metammèe yíé ke dò: Bá nwúó nKuyie nyí dèè wenni ke tú dè sī.

16 Kè dè mme nhō ke dò kuce mètāāti kéwēto kèĩnkè.

17 Kè Pieri ntoti o yèmmè ke bo yà Kuyie ndó kòò nàké tì ke dè nhò benke, kè Kòrinei tōnní bè tū̀̀kení ke cómmú dibòrì,

18 kébeke ke dò: Diε ndε Siməə bè tú wè Pieri ò bomàà?

19 Kè Pieri baə nkpaá toti o yèmmè kè Muyaánsààmùu ò nàké ke dò: Benitibè betāāti biε nkòtení a borè ndε.

20 Cútóo ké bè neinè, ke bá nyī̀̀kù, mí̀̀ bè tōnní.

21 Kè Pierii cútóo ké bè nàké ke dò: Mí̀̀ tú onitì di waà nwè, di yē mba?

22 Kè bè dò: Ohā̀̀p̀̀nkóti Kòrinei wèè d̀̀̀rri Kuyie ndó dè, ke kù dé, kè Sifubε bεməu ò dó, Kuyie ntōnni we nnàké kòò ti tōnní ke tú a kətoo kóò nàké a məke tì.

23 Kè Pierii bè cəuté, kè bèε yíé.

Kè dèε wenté kè bèε nei, kè Yesu kəbe bèè bo Sopee kè be kó bèmabèε ò cíε.

24 Di wentírì kè bè ntuà̀̀kòo Sesadee ke ś́ nKòrinei yu o cī̀̀tè kəbe bεməu nè o néposà̀̀bè kè bè ò bàə.

25 Kè Pieri òtátoò kè Kòrinèii íté kóò co kénínkóò o ììkè.

26 Kè Pierii ò ìinní ke dò: N tú a nititòu nwe.

27 Kè bè nnáante kétaróò kè benìtìbè tìkú péu.

28 Kè Pierii bè nàké ke dò: Di yému ke dò nSifube ci bè bo tamè wèè í tú Sifu o cǐtè, mí nKuyie nné n nàkému ke tú m bá nwúó nhòmòu osǐnwè.

29 Dèè te kè di n yu kè n yie nke kǎtení, n nákénè di n yu mùu kpéí.

30 Kè Kòrinèi dò: Dè màke yíe nyewe yènàà n sòò báámmè Kuyie, kè tewebiètè bo mètáãti, kè nní nyóó daate káyà onitì mòu kòò còmú n yìikè ke ã tiyààtì kè tì mièti,

31 ke n náké ke dò: Kòrinèi, Kuyie ncóutému a báámmu, kù í yè nha pǎrè, a pǎã nyè becǐribè.

32 Tǒ mbenìtìbè Sopee kè bèe yúní Simòò bè tú wè Pieri, ò bo okǎnnuurìwè mòu cǐtè kè bè ò tu Simòò, kòò bo dàméèrì také.

33 Mèmmè kè m pǎnke tǒ mbenìtìbè kè bè bo da yúní, kàa yie nke kǎtení. Ti tìkú diè nKuyie nyìikè ke bo keè Kuyie nda duó ntinti kàa bo ti náké.

Pieri nàkémè Kuyie nnáàntì Kòrinèi cǐtè

34 Kè Pierii bèi nke dò: M bantému di mmònni ke dò nKuyie nyí baàtì òmòu.

35 Bá kùu botí mieke wèè kù dé ke dàòri kù dómè kù we ndó.

36 Kuù tu benìtìbè bémòu Yiè, ke duó nkè bè nàké Isidayeeriibe Tináansààtì tìi bo taunnè benìtìbè Kuyie nnè Yesu Kirisi kpéí.

37 Di yému tìi dǎò Sudee omòu nè Kadidee Isǎã ãnnè dii mònni benìtìbè bàtémú kèdeè.

38 Di yému Kuyie ntáátémè Yesu Nansareti kou, kóò duó Muyaánsààmú nè muwèrímú kòò ncenti

tipùtì timòu ke miekùnkò dibòò fěũnkò bè, ke yě Kuyie nhò bonèmè.

³⁹ Kè ti yà ò dòò dè demòu Sifube kó ketenkè Sedisademmu nè yehèkè yemòu. Kè bè ò baaké kudapããtí ke kùò.

⁴⁰ Kè Kuyie nhò fòùkùnnè diyie tããnni yiè ke duó nkòò ti benke omáà.

⁴¹ Tínti kù tããtè bè nè dimònni kè ti bo náké o kpéí, kè ti ò wènnénè ke di ke yà.

⁴² Kòò yě nti nnáá mbenìtìbè, weè túmè Kuyie ntããtè wè kòò bo bekénè befòùbè nè becírìbè.

⁴³ Kuyie mpããnáãnti náambè bemòu náké weè kpéí nke tú wèè ò tá kùu ò cǐé nho yei nnè o kó diyètìrì kpéí.

Muyaánsààmù cùténímè bèè í tú Sifube be ñnkè

⁴⁴ Pìeri kpaá ke náá memme kè Muyaánsààmù cùténí ò nàánnè bè ñnkè.

⁴⁵ Kè dèe di Sifube bèè tu Yesu kòbe ke neínè Pìeri, Muyaánsààmù Kuyie nduò mmù cùténímè bèè í tú Sifube be ñnkè.

⁴⁶ Kè yě bè ò yomè kè bè nàá ntináãncànti ke sãntí Kuyie nkù deumè.

⁴⁷ Kè Pìeri dò: Ti bo na kéyete ti bo bè ãnnémè bàtémù menie nkou, bembè Muyaánsààmù cùténí bèè ñnkè mù cùténí mèè boti ti ñnkàà?

⁴⁸ Memme kè bèè bè ãnné bàtémù nè Yesu Kirisi kó diyètìrì, kédeè kè bèè ò bántè ke dò ò nkpaá be borè yewe sám̀pó.

11

Bè kpannèmè Pìeri ò kàtemè Kòrinei cǐtè

1 Yesu tǒrè nè Yesu kǎbe bèè bo Sudee kè bèè keè bèè í tú Sifube bè cǎutémè Kuyie nnáàntì.

2 Pìeri wètoò dìì mǎnnì Sedisademmu, kè Sifube bèè tu Yesu kǎbe kè bè nhò kpànnè ke tú:

3 Dè dòmmè kàa kǎte bèè í cǎmmù be cie ke di wènné ke di?

4 Kè Pìerii tuú nké bè nàké dèè dǎò demǎu ke dǎ:

5 N sòò bo Sopee èì mièke nke, ké mbáá nKuyie, nkè kù m benke demarè kè dè dǎnnè kuyààkù ke píítì tipítì tinàà, ke cutiní kèĩnkè ke n tǎontenni kè dè n dí.

6 Kè n wénté de mièke káyà iwũǎ itààke ìnàà kpɛyi nè iwààke nè tinǎtì timǎu botí,

7 kékeè metammè mamè túmè: Pìeri íté kékuǎ kécááké.

8 Kè n dǎ: Áà n Yìè! N yí di diyìè marì ikuǎ ci dè nè dèè í wenni.

9 Kè metammè yí ke dǎ: Bá nwúó ndèmarè Kuyie nyí dèè wenni ke tú dè sǐ.

10 Kè de mme nhǎ ke dǎ kuce mètǎǎti kèwètoò kèĩnkè.

11 De mǎnnì kè benitibè bètǎǎti tǎàkení ke boní Sesadee kè bèè bè tǎnní m borè.

12 Kè Muyaánsààmù n náké ke dǎ: Kǎte ke bá nyíèkù. Kè tí kǎbe bekuǎ bie nni ncíe nkè tí kǎte kéta Kǎrinei cǐtè.

13 Kòo ti náké ò yàmè Kuyie ntǎnnì o cǐtè mièke, kè dì ò nàké ke tú: Wèe tǎ mbenitibè Sopee kè bèè yúní Simǎǎ bè tú wè Pìeri.

14 Kòo ò nàké tináàntì tìì bo ò deetè wenwe nè o cǐtè kǎbe.

15 Kè nní ntì mbè nàá nkè Muyaánsààmù cúténí be ìnkè kéndǎnnè mù cúténímè tí ìnkè meketimè mǎnnì.

16 Kè n dentení ti Yiè ndo béi ntì ke tú: Isãã do ãã bàtèmmù nè mēniē mme, díndi bè bo di ãnné bàtèmmù nè Muyaánsààmù.

17 Kè Kuyie mbè pã dipãnni kù pã di tínti bèè còuté Yesu Kirisi, yé n tú wè kè mû bo paa nKuyie nkó mutōmmú!

18 Bè kèè diì mōnni de kó tináaṅtì kè be miēkeē do kè bè nsántí Kuyie nke tú: Kuyie ntū nkpetēmu kuce bèè í tú Sifube kè bè bo ceete kérépété mufōmmu mùu bo sãã.

Mefēūtímè mēè cíe nYesu kòbe

19 Bè do kùo Etienni kédeè kè mēfēūtímè mēè tanní kè Yesu kòbeē cíété tipítì timòu, kékòte Fenisii nè Sipiri nè ãntiyòsi kénnaánte Tináaṅsààtì Sifube máa.

20 De mōnni Yesu kòbe bèè bo Sipiri nè Sidenni kè bèè kòte ãntiyòsi, kénnaá Kerekibe Tináaṅsààtì ti Yiè nYesu kpēti.

21 Kè ti Yiè nkó muwērímú mbè bonè kè benitìbè péuu yie nkéceete, kētūnne ti Yiè.

22 Kè Sedisadēmmu kó Kuyie ncīètè kòbeē ti kèè kētō mBannabaasi ãntiyòsi.

23 Kòo tuókoo káyà Kuyie mpīmmè mutōmmú, kè dèe ò narike kòo yáúkūnne be kōntì ke dà, bè dàke duó mbemáa ti Yiè nke nhò tàunè be yèmmè memòu.

24 Bannabaasi do tú onitisàù nwe, ke dó Kuyie nkè Muyaánsààmù nhò piéké kè benitìbè péuu yie nYesu.

25 Kè Bannabaasii sòoté kékòte Taasi Sòori wammù.

26 Ò ò yà diì mōnni kè bèe wēte ãntiyòsi kémbo ke tiè Kirisi kòbe ke dò dibenni. Bè de nyú meketimè bèè tū nYesu ke dò Kirisi kòbe.

27 De mōnni kè Kuyie mpāānāànti náam̀bèe íté Sedisademmu kékote Āntiyōsi.

28 Kè Muyaánsààm̀u píe be kòò m̀òu kòò yètìrì tu Akabuusi kòò íté kébéi nke d̀ò, dikònni dieri bo tanní ketenkè kem̀ou mieke. Kè di m̀enkèe tanní Kododi kó tikpàtì m̀onnì.

29 Kè Yesu k̀obe wēnné kénáké ke d̀ò bá wè wèe pā ò pèté kè dè m̀amè kéteennè Yesu k̀obe bèè bo Sudee.

30 Bè me nd̀òò kédúò nde kó yepārè Bannabaasi, nè Səəri kè bèe kote kédúò nSedisademmu kó bewedəunkótibè.

12

Bè k̀umè Isaku

1 De kó dimònni kòò kpààtì Edəti nfěũnko Kirisi k̀obe mabè,

2 kédúò nkè bèe kuə Isaku Isāā nantè nè disìe,

3 k̀yà dè narikemè Sifube kòò yíe kédúò nkè bèe pī mPieri, ke ś ndè tu p̀éèbè bèè í k̀ərenè mutie mùù muuti be kó dibanni mieke.

4 Kòò dúò nkè bèe ò kpetínné kébanne tihāāp̀ònti tēpítè nè tikùò, tìnàà tìnàà, kè diyentébanni bo p̀éēté kè bèe ò bekénè.

5 Kè Pieri m̀bo dikpetíntou kè Kirisi k̀obe báá nKuyie nho kpéi sáà.

Kuyie ntōnni deetémè Pieri

6 Bè do boumu Pieri m̀fimmè m̀édémè kòò ndúò tihāāp̀ònti tidétì cuokè kè titetì bàà dibòrì, kèè yènkè na nwenté kè Edətii dúò nkè bèe ò bekénè,

7 kè Kuyie ntōnni taroo kè kuwenniku makùu m̀íté kufáá, kè di baùtè Pieri.

Kè m̀fimmèe tōũ.

8 Kè di ò nàké ke d̀ò: Yì a naàk̀ònfè kéānné a neùtì.

Kè Pierii me ndòò. Kè di dò: Daátí a yaàbòrì ké n tũnne.

⁹ Kè Pierii di tũnne kè bè nyeti kè dè ò dò ntidòuntì bá ò í yé ke dò ndè tu mómmuo.

¹⁰ Kè bèe pēēté dibòrì ketirì kēpēēté didéri, kētuoke timátì kperi, bè yè di, ke kārì dihei, kè dii kpeténè dimàà kè bèe yè, kédétóo sàm̀pò kè Pierii m̀ntóo Kuyie ntõnnì.

¹¹ De m̀nni kè Pierii banté ke dò, Kuyie kuù tõnnì ku tõnnì kè di ò dæeténè Edòti nè Sifube do ò dónè mèè yei.

¹² Kòo totínì o yèmmè, kékote Isāā bè tu wè Mariki, o yō Maari cīētè, ke nsó mbenitibè tikú péu ke báá nKuyie.

¹³ Kòo bente dicàù kòo sapàà mmàù bè tu wè Odotii íténi kébekè ke dò: Wenni nwe?

¹⁴ Kébanté Pieri tammè kè diwèi ò pī nkòo yóu ò bo kpetémè kēwētoó ké bè nàké ke dò: Pieri còmmú dibòrì.

¹⁵ Kè bè dò: A yèmmè í naataà?

Kòo dò: N yí so, kè bè dò: A d̀ú ntidòuntì nti.

¹⁶ Kè Pieri baa mbie ndicàù, kè bèe kpeté kóò yà, kè dèe bè di.

¹⁷ Kè Pierii bè yèkii tenòutè kè bè dò yúóó, kòo bè nàké Kuyie ntõnnì ò dènnè mèè botí dikpetíntou mièke, ke dò: Nákénè ti Isaku nè Yesu kòbe tòbè.

Ò me nyĩ káyè kékote kupíkù tekù.

¹⁸ Kè dèe wenté kè tihā̀p̀ntì nkpeutí ke békú titòbè Pieri kàte kè?

¹⁹ Kè Edòtii duó nkè bèe wammú Pieri ke m̀nté. Kòo bekénè tihā̀p̀ntì kè dò bèe ti kùò, kèdeè kékote Sesadee kèmbò.

Kuyie ntõnnì potémè Edòti

20 Edōti do í naatinè Tiiri nè Sitṣṣ ekè kṓbe, kè bè né wēnné dinùù kékṓte kényà Edōti kó ditōnni, Badasitusi ke bo taunnè Edōti ke yé be diiti do yiēnímè weè èi miēke.

21 Kè Edōtii dāú mmetaummè kó diyie. Kè ò dii tuṓke kòo ānné o kpràatiyààti kénkari okpààti kàri ïnkè ke náánnè benitibè.

22 Kè bè pīēkù ke tú: Kuyie nkuu nàá ndè í tú oniti.

23 Dende bàmbà kè Kuyie ntōnni ò poté kè yebiē ò càáké kòo kú ke yé ò do cōutémè Kuyie nkó disānni.

24 Kè Kuyie nnáañti dṓke mpitírí tipílti timou.

25 Bannabaasi nè Sṓari kè bèe duó nyepārè bè do bè tōnnè yè Sedisadēmmu kénwēti Sesadee ke nneínè Isāā bè tu wè Mariki.

13

Muyaánsààmù tããátémè Bannabaasi nè Sṓari

1 Kirisi kṓbe tīnni ò dii bo Āntiyōsi di miēke Kuyie mpāānāañti náam̀bè do bomu nè bèè tiē mbenitibè Kuyie nnáañti: Bannabaasi nè Simmēṣṣ osòuwè nè Dusiyu Sidēnni kou nè Mannaa wèè do bìkú nè okpààti Edōti nè Sṓari.

2 Diyie mari kè bè mboú dinùù ke báá nKuyie nkè Muyaánsààmùu bè ndáké ke dṓ: Cǎnnénè Bannabaasi nè Sṓari kè bèe pī mmutōmmú m bè yu mùù kpéí.

3 Mēmme kè bè nsṓké ke bou dinùù kédeé ké bè nṓs nsinṓu kébántè Kuyie, ké bè yóu kè bèe ité kékṓte.

Sṓari nè onitinànti Edimaasi

4 Kè Muyaánsààmùu bè niitè kè bèe kṓte Sedisii kéta bàtṓd kénkari Sipiri kó ketenkè kèè soké menie mmiēke,

5 kētuoke Sadaminni kénnaá nSifube Kuyie nnáàntì titííntouti mieke, kè Isāā Mariki bè teénnè.

6 Kè bè nnáante Kuyie nnáàntì kētuoke kumàнку tekù Pafóosi, ke máánè Sifu mǎu kòò tú onitinòntì, kòo yètìrì tú Baari-Yesu, kòò tu omáà Kuyie mpǎānǎàntì náàntò.

7 Ke bo de kó dihèi kóo kùmàndáà Sesusuusi Poduusi borè, wèè tu mecii nyiè, kédúó nkè bèe yúni Bannabaasi nè Sǎori kè bè bo ò nàké Kuyie nnáàntì.

8 Kè wèè nitinòntì Edimaasi, ò yètìrì me ntú nè kerekì, kòò ndó kèpaannè kùmàndáà Kuyie nnáàntì.

9 De mǎnnì kè Muyaáansààmù piéké Sǎori, bè yu wè Pǎori, kòò ò wènté,

10 kébéi nke dò: Fǎ ndibǎò bire, onitisountì, ociìntì, a í yóó yóu a bo ncaàrimè Kuyie nkó mutǎmmáà?

11 Kuyie mbo da poté bàmbà nkàa yěi ke ténke bá nwúó ndiyiè yemǎrè mayè mieke.

Dende bàmbà kè Edimaasi yěi kénháá nke wanti wèè bo ò dète.

12 Kè kùmàndáà dè yà kè dèe ò di, kè Kuyie nnáàntìi kááké o yèmmè kòo yie nYesu.

Pǎori do nàké tì Āntiyosi

13 Pǎori nè o nǎpobè kè bèe ta bàtóò Pafóosi kékote Pedisì Pǎnfidii kó ketenkè, Isāā Mariki de mbè yóu kèwǎte Sedisademmu.

14 Kè bè nsóké kētuoke Āntiyosi Pisidii kó kutempǎ mieke, teomǎpùtè yiè kéta kutííntouku kénkari.

15 Bè kàà ndii mǎnnì Kuyie nkuó páte nè ku pǎānǎàntì náam̀bè kpeye, kè kutííntouku kó beniùbèe dúó nkè bèe náké Pǎori ke dò: Ti kǎbe kè di mǎke tìmatì ke bo ti teennè di bo na kébéi.

16 Kè Pǎarii youtè o nòùtè kè bè dò yúóó kòo béi nke dò: Isidayeeribe nè dínđi bèè dé Kuyie nkémúnè kékéè.

17 Kuyie nyIsidayeeribe tũ nkù, kuù tǎáté ti yembè ke duó nkè bè sũũ mbè bo diì mǎnni Esibiti, de kó difǎnkúò kè kùu bè dènnè nè ku kó muwērímú.

18 Ké mbè tǒ yebie nsipísìnàà dikpàà cuokè,

19 kékuo ibotí iyiekè Kannahǎa kó ketenkè ké kè duó nku kǎbe kè bèè kè tieke,

20 kè dè mmǎke yebie sikǎusìnàà nè sipísìnùmmù (450).

Kè Kuyie mbè duó mbebaatíbè kè bè mbo kétuǎkenè Sammuyeerì kó dimǎnni.

21 Kè bè dò bè dǎ okpààtì, kè Kuyie mbè duó Sauri Kiisi kó debire, Bensamèe kó kufuku kou, kóo ñtǒ tikpàtì ke dò yebie nsipísìnàà.

22 Kè Kuyie nhò dènnè kéduó nDafiti tikpàtì, ke béi nke dò: M pèté onitì n yèmmè kou, wèè yó ndǎori n dómè memǎu.

23 Nè Dafiti kó kufuku mieke nke Kuyie nduǎnnímè Yesu Odèetiwè, kù yē nkù yóó duǎnní wè, kòo dèeté Isidayeeribe.

24 Yesu mu ndo í kǎteni kè Isǎa nákému Isidayeeribe ke dò bèè ceete kòo bè ãnné batémmù.

25 Isǎa dèu diì mǎnni o tǎmmú ke nnáá nke tú: Míi í tú di baa wè, ò kèrínímu, n keté ke í sannè m bo seutemè o neùtì kó iwǎí.

26 N kǎbe dínđi Abarahammu kó kufuku kǎbe nè betǎbè bèè dé Kuyie, tímbe Kuyie nduǎnnímè mēdèetímè kó tináaǎtì tii.

27 Sedisadèmmu kǎbe nè be kó bekpààtìbè me nyí banté Yesu, koò kùo ke né dǎdǎ Kuyie mpǎǎnǎaǎtì náam̀bè wǎri tì kè bè tì kàa nsiom̀p̀u simǎu.

28 Bè í nyà meyei mmamè Yesu dḡḡ mè ke nciéké ke náké Pidati ke dḡ wèè ò kùḡ.

29 Bè dḡḡ dìì mḡnnì tìì wàri o kpéí tì yēmmè, kòḡ cūñní kudapāātí kédḡú nkufḡti mieke.

30 Kè Kuyie mme nduḡ nkòḡ yánté.

31 Kòḡ benke omáà yewe péu mieke bèè do ò neínè Kadidee kékḡte Sedisadεmmu, bàmbà nke náá nyIsidayεεribe o kpéí.

32 Ti di náá tìì náañsààtì Kuyie ndo náké ti yembè tìì kpéí.

33 Kè tì dḡḡ tínti be yaábí ti kpéí, ke duḡ nkè Yesu yánté tì wàri ke yēmmè Yesāā mmieke mukammù mudérímù ke tú:

A tú m birε nde
kè n da peité yíe.

34 Kuyie ndo náké wèè kpéí nke dḡ:

M bo duḡ nkòḡ yánté
m báá yóu kòḡ pāāke.

M bo di dḡḡ mesàà
n do yē n yóḡ dḡḡmè Dafiti.

35 Tì wàrimu Yesāā mmieke kupíkù tekù ke tú:

A í yóḡ yóu kàa kou pāāke.

36 Dafiti do dḡḡmu Kuyie nyē nwèè dḡḡmè, ke ku, kè bè ò kūnné o yembè borè kòḡ pāāke.

37 Kuyie me nduḡ nkè wèè yánté ò í pāāke.

38 N kḡbe banténè tūnke ke dḡ nnè Yesu borè nde Kuyie mbo di cīēm̀m̀è di yei.

39 Kè wèè ò tã, wèè ūté o yei mmεmḡu, Mḡyiisi kó ikuḡ do í yóḡ na kēūté mè.

40 Ndakenè tūnké kè Kuyie mpāānāañtì náam̀b̀è do náké tì báá di tuḡkení. Tìì tu:

41 Wénténè díndi sifeí yembè,

kè dè di di kè di kú.
 N yóó pī mmutōmmú mamù mmu
 di kó yewe miεke
 di do í yóó yie nke dò mmùù bo dǎò
 bá kè bè di nàké.

⁴² Bè yènní dii mǎnni kutíintouku kè bè dǎ: Pǎori
 nè Bannabaasi bèε wēteni teom̄pùtè tetè yiè ke yíé ké
 bè náké de kó tináañti.

⁴³ Bè ciété dii mǎnni kè benitibè péu, Sifube nè bèè
 í Sifube ke tūnne Sifube kó kuwedǎuncε kè bèε cíe
 mPǎori nè Bannabaasi kè bèε yáukūnne be kǎnti ke
 dǎ, bè ntaunè Kuyie nkù bè dǎò mèè sàà nkpréi.

Pǎori nè Bannabaasi bè kpǎátémè be nacètǎǎ

⁴⁴ Teom̄pùtè tetè yiè kè dihei kǎbe be mǎou sǎkεε
 tíi nke bo keè Kuyie nnáañti.

⁴⁵ Kè Sifubeε yǎ benitibè tǐmmè ke sū kè dèε bè
 yonke. Kè Pǎori nnáá ntii kè bè nǎá ntiteti koò sǎǎ.

⁴⁶ Pǎori nè Bannabaasi kè bèε bè nàké weti weti ke
 dǎ: Dè do dò mbèε keté kénáké dímbε Kuyie nnáañti.
 Di né me ntì yetemè ke benke di mómmǎmbe di í
 dòmmè ke pété mufòm̄mu mùù bo sǎǎ. Di mmǎnni
 ti bo kǎte bèè í tú Sifube be borè.

⁴⁷ Ke yé tì wǎrimè ke tú:

N da tǎátému,
 kǎa bo ntú yεbotè yemǎu kó kuwenniku
 kénáké titenti timǎu kǎbe
 mεdεetímè kó tináañti.

⁴⁸ Bèè í tú Sifube kè bèε keè de kó tináañti kè dèε
 bè narike mesàà, bèè tú mufòm̄mu mùù bo sǎǎ mu
 kǎbe kè bèε yie nYesu.

⁴⁹ Kè Kuyie nnáañti pité de kó ketenkè kemǎu.

50 Kè Sifubee sukú benitipodiebè bèè tūnne Yesu nè dihei kó benitidiebè, kè bēe fēũ mPōori nè Bannabaasi ké bè dēnne be tenkè.

51 Pōori nè Bannabaasi kè bēe kpááe be nacètáá*, kédeè kékote Ikōnni.

52 Kè diwèi mbo Yesu kabe bèè dè bo, kè Muyaánsààmù bè piéké.

14

Pōori nè Bannabaasi bè do bomè Disiri

1 Pōori nè Bannabaasi kè bè tó ta Ikōnni kó kutíntouku, ke nnáá nKuyie nnáañti kè dēe narike Sifube nè bèè í tú Sifube, kè benitìbè péuu yie nYesu.

2 Bèè tu Sifube kè bēe sukú bèè í tú Sifube kè bè bo dōò meyei mPōori nè Bannabaasi.

3 Pōori nè Bannabaasi kè bè mbo Ikōnni kémante, kénnáá Kuyie náañti nè dikōmbùò, ke náá nKuyie mbè dōò mēè sàà, kè ti Yiè nkó muwērímú bè bonè kè bè dōòri tidietí péu.

4 Kè de kó dihei kabee tote mèdémè, ke bie nni ndó Sifube kè betòbè dó Yesu tōrè.

5 Sifube nè bèè í tú Sifube nè de kó bekpààtìbè kè bēe dake ke bo fēũ mPōori nè Bannabaasi, ke bo bè bùótí yetárè kékuo.

6 Kè bēe tì kèè kécoké kékote Dikaonii kó yehékè: Disiri nè Deribu nè yehékè teyè yèè dè tōké,

7 kénnáá Tináañsààti.

Bè do dómè kéfíe Pōori nè Bannabaasi inààke

8 Kòo nìti mōù bo Disiri ke tú kuhòùkù nè bè ò peitémè ò í nò nke ceñti.

* **13:51 kpááte be nacètáá:** Dè benkú ke dò mbe kpeti ténke í bè bonè ke yé bè yetemè bè bè toni tìl náañti.

9 Kè Pɔ̄ori nnáá nkè kù kèmmú kè Pɔ̄orii wénté kébanté kù támè ke do nKuyie mbo kù miékunnè.

10 Ke béi mmēkperímè ke dò: Íté ke cómmú, kè kùu puuní mecã nkékété.

11 Kè benìtibèe dè yà kéwekii nè Dikaonii kó tináāntì ke dò: Kuyie nnaá mbenìtibè ke cùténí ti borè!

12 Kè bèe bè yú be kó yebòkè yètè, ke yú Bannabaasi ke dò: Seyuusi, ke yú Pɔ̄ori ke dò: Edimesi, ke yé weè do náammè.

13 Kè be kóo bɔ̄oyiè nwèè kó dibò̄tòu do bo dihei kó dibòrì borè kòo tóní yenaadakè yèdèè, kè yè dùúkú mutepóó, nè benìtibè kè bè bo wènné ké yè fié Pɔ̄ori nè Bannabaasi.

14 Pɔ̄ori nè Bannabaasi kè bèe tì kèè kè be yèmmèe caàrè, kè bèe kèrì be yaàbòrè kécokóo difñnì mièke kékuónko ke dò:

15 Tì kòbe dè dòmme kè di dɔ̄ori memme? Tì tú benìtibè mbe ke di dònne, tì di tóní Tináānsààtì nti, ke tú di yóu yebòkè kètũnne Kuyie kùu fòu, kùu dòò keĩnkè nè ketenkè nè dàmèèrì nè dèè kó dimàà bo o mièke.

16 Kuù do yóu yebotè bá wè kòo ntũ ò dó kùu ce.

17 Nè memme kè kù baa di benkú kù bomè, ke di dɔ̄ori mesàà, nke di duònní fetaafe, kè di paa mpeí kè di mòke ke yo nkè di yèmmè naati.

18 Kè dèe ari mesàà nkè bè né na ké bè bàa bè bo bè fiémè de kó inààke.

19 Kè Sifubee yènní Āntiyosi nè Ikōnni, késukú benìtibè, kè bèe búótí Pɔ̄ori yetárè, ke nyé ke tú ò ku, kòò fūrí kédenne dihei mànkú.

20 Kè Yesu kàbee tíi nho borè kòo íté kéta dihei, kè dèe wenté nè Bannabaasi kè bèe kòte Deribu.

Pɔ̄ori nè Bannabaasi bè wètemè Āntiyosi

21 Põõri nè Bannabaasi kè bèe náké Tináaṅsààtì Deribu kè benìtibè péuu tì yie nkè bèe íté kèwẽte Disiri nè Ikõnni nè ãntiyõsi,

22 kényáúkũnko Yesu kãbe kãnti ke bè nàa nke tú bè nyé ke dò nti dò nkéféũtému ke né ta Kuyie nkprààtiyuu miẽke.

23 Ke kannĩnko Kirisi kãbe tĩrè yemau bewedũnkótibè, ke bou yenò ke báa nKuyie, ke bè nàa nke tú ti Yiè ndi dó wè di teennè.

24 Kòo deè kèyè Pisidii kó kutempè nkéta Pãnfidii kòku,

25 kénáké Pèdisi Kuyie nnáaṅtì kèdeè kékote Atadii.

26 Bè de ndèke bàtóò, kèwẽte ãntiyõsi, bè do bè bántènè dè Kuyie nkè bèe kote ke pĩ mmutõmmú bè bo ke deu mù.

27 Kòo bè náké Kuyie mpĩ mmèè botí mutõmmú ke kpeté kuce bèè í tú Sifube kè bè yie nYesu.

28 Kè bè ndè bo nè Kirisi kãbe kè dèe mɔnte.

15

Bè nènнимè Sedisadẽmmu

1 Kè bèmabèe yènní Sudee kékote ãntiyõsi kènnáa mbèè yie nYesu ke tú: Kè bè í di cãmmú Mõyiisi kó ikuó yèmmè Kuyie mbáa di cõté.

2 Põõri nè Bannabaasi kè bèe yete kè bèe nenni mediè, nkè Yesu kãbe dò: Põõri nè Bannabaasi nè ãntiyõsi kãbe mabè bèe kote Sedisadẽmmu kèyà Yesu tõrè nè bewedũnkótibè kè bèe náké de kó tináaṅtì.

3 Kè bèe bè cíe nkédenne dihei, kè bè nkéri kèyènnè Fenisii nè Sammarii kó ketenkè kènnáante

bèè í tú Sifube bè còutémè Yesu, kè de kó tináàntì nnárìnkùngo Kirisi kòbe bemou yèmmè.

⁴ Bè tùòkoo dìi mònñi Sedisademmu Kirisi kòbe nè Yesu tōrè nè bewedəunkótíbè kè bèe cò Pòori nè Bannabaasi kè bèe bè nàké Kuyie mbè pīnné mùù tōmmú.

⁵ Kè Fadisīebe mabè bèè yie nYesu kè bèe béi nke dò: Bèè í tú Sifube ke yie nYesu bè dò nkécāmmúmu kētūnne Məyiisi kó ikuó.

⁶ Kè Yesu tōrè nè bewedəunkótíbè kè bèe tíí nke bo yà de kó tináàntì,

⁷ kénneì kè dèe mənte, kè Pierii íté ke béi nke dò: N kòbe, di yému Kuyie nni ntāātémè nè dimònni kè m bo náké Tináànsààti bèè í tú Sifube ke yie nYesu.

⁸ Kuyie nkùù yé benitìbè bemou yèmmè kè kù bè duó Muyaánsààmù kù ti duó mmù, ke benke kù bè còutémè.

⁹ Mecānnímè mamè í bo tínti nè be ti cuokè, be yie ndiì mònñi Yesu kè Kuyie nhūté be yei.

¹⁰ Dè dòmme kè di dó kényí nKuyie mmieke kétoú mbèè yie nYesu ditou tínti nè ti yembè ti í na ke tò dì.

¹¹ Di í yé ke dò nnè ti Yiè nYesu kó mesàà mme timou ti còotémè tínti nè beàà?

¹² Kè benitìbè dò yúóó, Bannabaasi nè Pòori kè bèe bè nàké Kuyie ndòò tìi dieti bèè í tú Sifube be cuokè.

¹³ Bè nàké dìi mònñi ke dèè kè Isaku dò: N kòbe kémmúnè!

¹⁴ Siməə nàkému Kuyie ndààtenímè bèè í tú Sifube be kpéi nke tānkíí ku kòbe.

¹⁵ Kuyie mpāānāàntì náam̀bè do nàké tì dè wě́mmu tìi tú:

¹⁶ M bo wētení kémaá Dafiti cīētè, kényí nho dobuò.

17 Kè benìtìbè bemou
 nè bèè í tú Sifube
 n yu bè kè bè bo n tú n kòbe
 kè bèe wammú Kuyie.

18 Kuyie nti nnàké kunku kùù tì nti benke nè
 dimònnì.

19 Kè Isaku dò: N yèmmè í dò nti duó mbèè í tú Sifube
 ke yie nYesu de kó ikuó kè bè nhààrì.

20 Yóunè kè tí bè wàri ke dò: Bè bá nyo iwũõ bè fié ì
 yebòkè, kémenténè bemáà bè bo ndòutinèmè betòbè,
 ke báá cááké fehòfè bè í fèúté fè yoo meýíí.

21 Ke yé Mòyiisi kó ikuó bomè nè dimònnì kè bè ì kàa
 sionpùu simou titíintouti mieke.

Bè do wàri dù pátíri mucāmmù kpéí

22 Yesu tõrè nè bewedòunkótìbè nè Kiriši kòbe
 bemou kè bèe pénsiri de kó ikuó, kétāāté Sudi bè tú
 wè Baarisabaasi nè Sidaasi benìtìbè bemou tā bè, ké
 bè neínnè Pòori nè Bannabaasi kè bèe kòte Āntiyosi,

23 ké bè duó ndipátíri kè di tu: Di kòbe tínti Yesu
 tõrè nè bewedòunkótìbè, ti di dòunko díndi bèè í tú
 Sifube ke bo Āntiyosi nè Sidii kó itempè.

24 Ti kèè ti kòbe mabè kòtoomè ke di kòkénè ke
 cààrè di yèmmè, tì í bè duó nde kó dinùù.

25 Dèè te kè ti wènné ke tāāté bèmabè ke bè
 neínnènko ti népobè sààbè Bannabaasi nè Pòori.

26 Bèè duó mbemáà ke kàáté mukũũ kuce mèpéu ti
 Yiè nYesu kó mutōmmú kpéí.

27 Ti tōnko Sudi nè Sidaasi kè bè bo di tuo ntù wàri
 tìnti dipátíri mieke.

28 Muyaánsààmù muù ti niité kè ti yé nti báá di
 sũũ mmucìrìmù kè dè í tú ikuó ì í dò nkéyóu.

29 Ìi tu di bá nyo iwũṣ̀ bè fié ì yebàkè nè meyiĩ nè iwũṣ̀ bè í fié ì, kémenténè dimáá di bo ndoutinèmè ditàbè, kè di dṵ̀rri mēmmē dè bo nweni. Dè nsúónnè diyìè mari.

30 Kè bèè cau mbetàbè kédeè kè bèè kote Āntiyōsi kētíí nYesu kàbe péu, ké bè duó ndipátíri.

31 Kè bèè di kàa nkékeè, kè dèè bè narike bemou.

32 Sudi nè Sidaasi bè me ntúmè Kuyie mpāānāānti náam̀bè mbe, kè bèè bè duó nyitié mpéu kényáúk̀unne be kṵ̀nti.

33 Ké mbè bonè kè dèè m̀onte, kè bèè bè cau nkéwēte bèè sòò bè tṵ̀nni be borè nè kunaatí. [

34 Kè Sidaasi yie d̀ò ò bo nkpaá.]

35 Pṵ̀rri nè Bannabaasi nè betàbè kè bè m̀bo Āntiyōsi ke tiè nYesu kàbe ke bè nàá Tináānsààti Yesu kpeti péu.

Bannabaasi nè Pṵ̀rri bè yàtemè

36 Kè dèè m̀onte kè Pṵ̀rii náké Bannabaasi ke d̀ò: Tí wēte yehékè yemou késíéké ti sòò náké bè Kuyie nnáānti, kényà bè bo kè dè d̀ommè.

37 Kè Bannabaasi ndó Isāā bè yu wè Mariki m̀bè neínè.

38 Kè Pṵ̀rii yete ke d̀ò: Ò bá nti neínè ke yé ò do ti yóunèmè mutṵ̀mmú Pānfidii kētíé.

39 Kè dèè náá tinesitì mediè nkè bèè yate, kè Bannabaasii túóté Mariki kè bèè ta kudabekù kékote Sipiiri.

40 Kè Pṵ̀rii tāāté Sidaasi kè bèè bè bántènè Kuyie nkè bèè íté.

41 Kòo kote Sidii nè Sidisii kénkpénk̀unko Kirisi kàbe Kuyie nkó kuce mieke.

16

Pɔɔri do tùótémè Timɔntee

¹ Kè Pɔɔrii kɔte Deribu kèpɛ̀ɛ̀tè kékɔte Disiri, káyà odapàà mmàù bè tú wè Timɔntee, kòò tu Yesu kou, kòò yǎ tú Sifu ke tũ nYesu, kòò cice tú Kerekì.

² Kè Yesu kɔbe bèè bo Disiri nè Ikɔnni kè bè ò sántí.

³ Kè Pɔɔri ndó Timɔntee ò neinè, kòò tùóté kécánté Sifube bèè dè bo be kpéí, ke yé bè do yémè bemàu o cice túmè Kerekì.

⁴ Kè bè nkàrì yehékè ke náante Yesu tǔrè nè bewedɔnkótíbè bè tǎáté tì Sedisademma, ke tú bèè tì yie.

⁵ Mémme kè Kirisi kɔbe ñkpénkú Kuyie nnáàntì mièke ke sũũnko yewe yemàu.

Kuyie nyúmè Pɔɔri Maseduɔnni

⁶ Kè Muyaánsààmùu yete bè bo nàkémè Kuyie nnáàntì Asii kè bèè pɛ̀ɛ̀tè Fidisii nè Kadasii,

⁷ kétuàke Misii kó kutemmànkú ke ndó kékɔte Bitinnii kè Muyaánsààmùu yete.

⁸ Kè bèè yóu kéta Misii kèpɛ̀ɛ̀tè kékɔte Todowaasi.

⁹ Kè Pɔɔri nduó keyènkè kè Kuyie nhò benke mebenkùmè kòò yà Maseduɔnni kou màù, kòò còmúmú kòò bàà nke tú: Kàtení tì cie kè tì teennè!

¹⁰ Kè tì banté ke dò nKuyie nkuù kè n ti yu kè tì bo náké Tináànsààtì, kè tì pànkèe íté Todowaasi,

¹¹ kéta bàtòò kékɔte Sammutaasi diheì diì soké menie mmièke. Kè dèè wenté kè tì kɔte Neapodii.

¹² Ke íté deborè kékɔte Fidipu Maseduɔnni kó kutempè nkó diheì kètìrì kè Odommu kɔbe dì baké, kè tí nke mbo ke dò yewe sàm̀pó.

Didii tũnnemè Yesu

13 Teom̄pùtè yìè kè ti yè, kéta kukó nke bo yà Sifube bo nke bàá nKuyie. Ke s̄n̄ké benitipòbè mabè deborè kékaroó ké mbè nàá Kuyie nnáāntì,

14 kényà onitipòkù m̄òu bè tú wè Didii kòò bonní Tiyatiiri, ke fiiti tiyaàkpetì tiwũãti ke tũ nKuyie, kè Kuyie nkpeté o yèmmè kòò nkém̄m̄ú P̄ori nàá ntì.

15 Kè tí ò ãnné bàtém̄m̄ù nè o c̄f̄ètè k̄obe.

Kòo nyetíróo ke tú: Kè di yie nke dò m mènke c̄outé Yesu k̄atenèní kém̄bo n c̄f̄ètè.

P̄ori bètimè onipopãũ kó dibò

16 Diyiè mari ke ti nk̄ari mubáammu kέconè osapàà mm̄òu kòò tu kudaakù, kè dibò ò ta, kòò pãũ kòò yembè p̄éú idíítí.

17 Kòo nti tũ nke wékíí ke tú: Benitibè bie ntú Kuyie ndiekù t̄ombè mbe, ke di nàá mmedeetimè kó tináāntì.

18 Kòo mme nh̄o nyewe yem̄ou kè d̄èe ou P̄ori kòo w̄ẽtè k̄ep̄éi ndibò ke dò: Nè Yesu Kirisi kó diyètiri yè onitipòkù yie mmiεke! Dende bàmbà nkè d̄ii yè.

19 Onitipòkù yembè s̄ó ndii m̄onni bè ténke í yó mp̄éú idíítí, ke p̄i mP̄ori nè Sidaasi kék̄atenè bebeémbè borè.

20 Ke dò: Benitibè bie ntú Sifube mbe ke k̄atení diε mmek̄òmm̄è.

21 Ke benkù be kó ikuó tínti Odommu k̄obe ti í dò nkéntũ nyi.

22 Kè dit̄nni tì yie nkè bebeémbèε duó nkè pod̄isibèε dáté P̄ori nè Sidaasi be yaàbòrè ké bè puotí yedá,

23 kédeè ké bè kpetínné kéduó nkè kuhããp̄ònkù mbè bàa mesàà,

24 ké bè táú nkétanné kufáá ndétikù.

25 Keyènkè cuokè kè Pɔɔri nè Sidaasi kè bè bàá nKuyie nke diè nke kù sántí, kè tikpetíntì tetì kèmmú.

26 Kè bè nyóó daate kè ketenkèe sântè, kè dikpetíntouu sântè kè yebòrèe kpeté, kè bè bou mènè fímmè tikpetíntì nè bè bè táú nnè dè kè dèe duó.

27 Kè kuhããpònkùu entení káyà yebòrè kpetémè ke nyé ke tú bè coké, kékpatè disiè ke bo kuɔ kumáà.

28 Kè Pɔɔrii péi nke dò: Báá dòò amáà meyei. Ti bomu timou.

29 Kè ku kònti au kè kùu duó nkè bèe míítè kè kùu cokóo Pɔɔri nè Sidaasi be borè kénínkóo be ìkè,

30 kè bè dènnení kè bè beke ke dò: Bekótìbè, n dò nkéyímè kè Kuyie nni ndeeté?

31 Kè bèe kù ténné ke dò: N tá ti Yiè nYesu a bo cooté fí nnè a cífètè kòbe.

32 Kè bèe kù nàké Kuyie nnáàntì nè bèè kó dimàà bo ku cífètè.

33 Kè kùu bè tùótè ke sú be muɔ, nkè bè pánkèe kù ànné bàtémmù de kó keyènkè nè ku cífètè kòbe.

34 Kè kùu yú Pɔɔri nè Sidaasi kékonnè kè bè duó mmudì, kè diwèi nkù bo nè ku cífètè kòbe bè còutémè Kuyie.

35 Kè dèe wenté kè bebeémbèe tō mpòd̀f̀is̀is̀b̀è, kè bèe kù nàké ke dò kùu bè fíi.

36 Kè kuhããpònkùu nàké Pɔɔri ke dò: Bebeémbè tōnní ke tú n di fíi, di mmònni yènnè kèpèētè ke bá nyìkù.

37 Kè Pɔɔrii nàké pòd̀f̀is̀is̀b̀è ke dò: Tínti Odommu kòbe bè ti puotí benìtìbè ìkè bá bè í ti bekénè ke né dó ke ti fíi ndisòràà? Ti báá yie. Bèe kòtení be mómmòmbè kè ti denne.

38 Kè pòdìsibèe kote kénáké bebeémbè Pɔori nè o kabe bè tumè Odommu kabe kè kufōwaa mbè pī.

39 Kè bèe kote ké bè mɔɔ meciémme, ké bè dènnè dikpetíntou, ké bè bántè ke dà bèe yè dihei.

40 Kè bèe yè dikpetíntou kékote Didii cīètè, káyà Yesu kabe ke yáúkùnnè be kǎnti, kéréēté.

17

Bè pīrímè Sasōō nè o kabe ke kàtenè bebeémbè borè

1 Kè bèe pēēté Ānfipodii nè Apodonii kētuoke Tesadoniki, kè Sifube kó kutííntouku dè bo.

2 Kè Pɔori tó ta Sifube kó kutííntouku ke dà siompùu sītāāti ke náá Kuyie nnáànti.

3 Ké mbè náá nke tú: Kirisi do dò nkéféūtému kékú káyánté, Yesu n di náá nwèè kpéi weè tu Kirisi.

4 Be miéke kè Kerekibe bèè do dé Kuyie benitipodiebè kè bèe yie mPɔori nè Sidaasi kpèti kénsū mesàà.

5 Kè dèe yonke Sifube kè bèe yú becièmbè kè bèe wēnné kéānné dikpànni kèiténè kemieke kénwanti Pɔori nè Sidaasi, kékote Sasōō cīètè ke bo bè kàtenè ditīnni borè,

6 ké bè mònté, képī nSasōō nè Yesu kabe mabè kékòtenè bebeémbè borè kénwékíi ke tú: De kó benitibè càari kutenkù kumou kó ikuó nyi ke tūokení die nkè Sasōō bè còuté.

7 Ke sènkèri okpàati Sesaa ke náá nke tú okpàati mǎu bo kè bè ò tu Yesu.

8 Kè dèe yonke bebeémbè nè dihei kabe.

9 Sasōō nè o kabe kè bèe yietí idiítí dihei yembè kè bè né na ké bè fīi.

Pɔori nè o kabe bè nàkémè Kuyie nnáànti Bedee

¹⁰ Kè keyènkèè biite kè Yesu kàbèe duó nkè Pòori nè Sidaasi kè bèe kàte Bedee, bè tũðke dìi mònñi kéta Sifube kó kutííntouku.

¹¹ Kè bèmbe ndó Kuyie nnáañti kèpèèté Tesadoniki kàbe, ke níí ntì kàà nyewe yemou ke bo yà kè nsà kè bè nàá ntì tu timómman̄ti.

¹² Be mièke kè benitibè péuu yie nYesu, Kereki kó benitipòbè nè benitidaabè péu.

¹³ Sifube bèè bo Tesadoniki kè bèe keè Pòori nàámmè Kuyie nnáañti Bedee kékatoò késukú benitibè.

¹⁴ Kè Yesu kàbèe kàtenè Pòori dàmmèrì kòò bo ta bàtòò, kè Sidaasi nè Timòntee kè bèe nkpaá Bedee.

¹⁵ Kè bèe ò cíe nkétuòke Atenni kèwète Bedee kénáké Sidaasi nè Timòntee ke dò: Pòori tu bèe katoò meçãã.

Pòori kàtemè Atenni

¹⁶ Kè Pòori mbaa Sidaasi nè Timòntee Atenni, kèyà yebòkè sũmè de kó dihei kòo yèmmèe caarè mediè.

¹⁷ Kòò nnáánnè Sifube nè bèè í tú Sifube ke tũ nSifube kó kuwedounce titííntouti mièke, yewe yemou ke nnáánnè ò maunè bè.

¹⁸ Ke múnke mmaunè meçii nyembè bè tu bè Epikudiyèbe, nè Sitoyisĩèbe, kè bèmabè ntú oniti yie nnàá nhònti? Kè betòbè tu de dò nhò nàá nKuyie ncànkù makù kpéi nke, ke yé ò do nàámmè Yesu kumè mme ke yáñté.

¹⁹ Kè bèe ò kàtenè dihei kó bekótibè ãã tíí ndè kòò beke ke dò: Dòò ke ti náké tináam̄pàn̄ti a nàá ntì tú mù.

²⁰ Ti mu nyí kèè de kó tináañti diyie marì ke dó kèbanté tì tu mù.

21 Atenni kàbe beməu nè beṛḏḏbè bèè bo de kó dihei, bè do ɔ ntũũ ke náámmu ke kəmmú tináam̀pàntì tì yìenì.

22 Kè Pḡrii íté kécómmú benìtìbè ìkè ke d̀: Díndi Atenni kàbe n yàmú ke d̀ ndi wanti Kuyie mmèdiè.

23 N cè ndihèi ke yà di báá ndè ke tú Kuyie nke wàri dèmarè ìnkè ke tú: Kuyie nti í yé kù. Di báá nkù yie nke í kù yé, n kàtení ke bo di náké kuù kpéi.

24 Kuù d̀ḏ̀ ketenkè nè dèè kó dimàà bo, kuù baké ke ìnkè nè ketenkè, kù í ã benìtìbè maá tì touti mièke.

25 Kù í yé nti nkù duḏ̀ ndèmarè ke yé kuù duḏ̀mmè mufòmmu denennè deməu.

26 Kuyie ndḏ̀ wèè nìtì borè nde ibotí iməu sũmmè kutenkù kuməu. Kè kù yé bá wè ò yó mborè nè o we màmè.

27 Kù mè d̀ḏ̀ ke d̀ benìtìbèè kù wammúmu, kè bè kù waá mbá ke í yé bè bo kù wammúmè bè bo kù yà, ke yé kù í ti d̀tirìnèmə.

28 Ke yé kuù temè kè ti fòu ke bo, ke ɔ̀ na kédḏ̀ dèmarè. Di kó beṛátìwã̀bè mabè ti nwàri ke tú: Ti tú kuù kó ibí.

29 Kè ti tú ku bí, ti yèmmè bá ndò Kuyie ndònnè tetenkaanìtè mesḡ nkpete, yoo mebièrimè kpete, yoo ditàri onìtì d̀ḏ̀ dè nè o kó mecìi.

30 Kuyie mbùúttóomu meyei nti í kù yé d̀i m̀nnì ke d̀ḏ̀ri mè ke náá ndi mm̀nnì benìtìbè ke tú: Bèè cèète meborimè.

31 Ke yé kù tãátémè diyè ke yóó duó nkè Yesu bekénè benìtìbè beməu. Kù de mbenke ke duó nkè Yesu yãnté

32 Kè bèè keè Pḡrii náammè mukúkéyántímù kpéi kè bèmabè nhò daú kè betḡbè tu: Diyè marì ndi a bo

tì nti nákéme.

³³ Μεμμε κέ Ρωρrii íté dεborè.

³⁴ Nè μεμμε κέ bèmabè nhò tũ nkéyie nYesu. Bεè kòò m̀òu tu: Deniisi dibeéntĩnni kou, nè onitipòkù m̀òu bè tú wè Dammariisi nè betòbè mabè.

18

Bè p̄r̄mè Ρωρι Κοδεντι

¹ Κέ Ρωρrii íté Atenni kékote Κοδεντι

² κε μάάνε Sifu m̀òu bè tú wè Akidaasi P̄ȭ ει kou, kòò boní Itadii nè o pokù P̄irisiidi κε t̀òκεní bàmbà. Ke yé okpààti diεwè Kododi do duómme κέ Sifubeε yè Odommu κέ Ρωρrii kote κέ bè yà.

³ Ρωρι do με nnómme muaadùd κέ bèε wēñné kénduòkù tiyààti bè d̀òrinè t̀i titouti.

⁴ Κέ Ρωρι nnáá nKuyie nnáànti sioǹp̀u simou kutíntouku miεke κε yáúk̀nko Sifube nè Kεrekibeε k̀ònti κέ bè yie nKuyie nnáànti.

⁵ Sidaasi nè Tim̀ontee κέ bèε íténi Maseduanni kétuòκεní, κέ Ρωρrii pété μεfiè nκε nnáá nSifube Kuyie nnáànti κε tú Yesu weè tu Odeεtíwè, Kuyie nnáké wèε k̄p̄í.

⁶ Κέ Sifubeε yete κέ nhò nsãã, nkè Ρωρrii piùrè o yààti κε d̀: Κέ di feti d̀é í tú n k̄p̄eti, di yei ndo di yò ñkè nκε, di mm̀onni n k̄ari bèé í tú Sifube be bíékè nκε.

⁷ Kòo yè kéta onit̀i m̀òu c̄f̄ètè bè tú wè Tituusi Susi-tuusi kòo tũ nKuyie, kòo c̄f̄ètè p̀èkénè kutíntouku.

⁸ Κέ Kirisipusi kutíntouku kóo kóti nè o c̄f̄ètè k̄obe bemou κέ bèε yie nYesu κέ Κοδεντι k̄obe péuu κέ Ρωρι náammè κε múnκεε yie nYesu κέ bèε bè ànné bàtémmù.

9 Keyènkè makè kè ti Yiè mbenke omáá Pǎarii kòò nàké ke dò: Bá nyĩèkù, sǎoté kénnáá, báá yóu a bo nnáámmè.

10 N da bonèmu, òmòu báá na ke da dǎò meyei, ke yé n kǎbe sūmè dihei dii mmièke.

11 Memme kè Pǎari mbo Kǎdenti ke dò dibenni nè dikéè ke bè nǎá Kuyie nnáàntì.

12 Kayǎǎ naá ndiì mǎnni kùmǎndáà Akayii kó kutempè nkè Sifubee wènné kǎpĩ mPǎari kékǎtenè kubeéndieku.

13 Ke dò: Onìti yie ndó benitibè mbáá nKuyie mèmamè boti nku ikuó yetemè.

14 Kè Pǎari ndó ke na mbéi nkè Kayǎǎ nàké Sifube ke dò: Kòò do nyeténè dihei kó ikuó nyi, yoo ò dǎò meyei ndiemè mamè, n na nkèèmu di tú mù.

15 Dè né me ntúmè tináàntì nè yeyètè dèè tu di kó ikuó kperè, dè tu di kpeti nti, m báá na ké tì beké.

16 Dè mǎnni ké bè bèti kubeéndieku.

17 Kè bèè pĩ Sositenni, kutíintouku kóo kóti kubeéndieku borè, kǎmpuotì, kè Kayǎǎ bùútóo.

Pǎari wètemè Āntiyǎsi

18 Kè Pǎari nkpráá Kǎdenti kémǎnte kécǎu nYesu kǎbe kénèinè Pirisiidi nè Akidaasi ke bo kǎte Sidii, kétuǎke bàtódò commu dè Sǎnkidee kékúó ke yé ò do cànnenèmè dinùu Kuyie.

19 Kè bèè tuǎke Eféesi kè Pǎarii yóu Akidaasi nè Pirisiidi kéta kutíintouku kénnáánnè Sifube.

20 Kè bè dò wè nkpráá kòo yete,

21 ké bè cau nke dò: Kè Kuyie ndó m bo wètení diyie mari. Ò me nyĩ kéta bàtódò kǎpǎèté,

22 kécúté Sesadee kǎpǎèté Sedisademmumu kédou Kirisi kǎbe kédeè kékǎte Āntiyǎsi,

²³ kémonte sám̀pó k̀épě̀é̀t́é, k̀ékote Kadasii ǹè Fidisii de kó itemp̀e mmiéke k̀é nyáúk̀unko Yesu k̀obe k̀òntì.

Apodoosi nàámm̀è Kuyie nnáàntì Efesi

²⁴ K̀è Sifu m̀aù b̀è tu ẁè Apodoosi, Adekisāntiri eì kouu tuak̀enì Efesi. Ò do tú oǹtì nwe ẁè ỳé Kuyie nnáàntì mesàà, ke ǹo nke náá.

²⁵ Ò do tì bebíí mesàà mme, k̀énnáá Yesu kpeti weti weti ǹè tikōnyauti, bá ò me nyém̀è Isāã kóo bàtém̀m̀ù máà.

²⁶ K̀oo nnáá nkutííntouku miéke ke í ỳìk̀ù k̀è Pirisiidi ǹè Akidaasi k̀è b̀è nkém̀m̀ù, k̀édeè kóò yu be c̀ìt̀è kóò benke d̀è ò dónni Kuyie nnáàntì miéke.

²⁷ K̀òò ndó k̀ékote Akayii, k̀è Yesu k̀obe yáúk̀unne o k̀òntì k̀éwāri dipátiri Kirisi k̀obe b̀è k̀è bo, k̀è b̀è bo ò c̀outé. K̀oo katoò k̀è Kuyie nkó mesàà nní nhò bonè, k̀oo teénnè b̀è c̀outé Yesu.

²⁸ K̀oo nnáá Sifube weti weti bá ke í sori, ke b̀è benkú ǹè Kuyie nnáàntì miéke Yesu t́úm̀è Odeetiwè.

19

Efesi k̀obe p̀ètém̀è Muyaánsààm̀ù

¹ Apodoosi bo diì m̀annì Kòdenti k̀è Pòari nícentì Asii kó yehék̀è ỳèè bo yetārè ìnkè, k̀étuak̀e Efesi k̀éyà b̀emabè k̀è b̀è tú Yesu k̀obe.

² K̀oo b̀è beke ke d̀ò: Di p̀èté Muyaánsààm̀ù nnè di t́unnem̀è Kuyienaà? K̀è b̀è d̀ò: Ti keté ke í k̀è Muyaánsààm̀ù kpéí diyìè mari.

³ K̀è Pòarii b̀è beke ke d̀ò: B̀è di ānné we mbàtém̀m̀ù? K̀è b̀è d̀ò: Isāã kou.

4 Kè Pɔɔrii bè nàké ke dò: Isãã do ãã bàtèmmù bèè dó kéceete bèmbè be borime, ke bè nàá nke tú bèè tũnne wèè kèríní o kó difɔnkúò, wèè tu Yesu.

5 Kè bèè keè de kó tináaanti kéduó nkè bèè bè ãnné bàtèmmù nè ti Yiè nYesu kó diyètìrì.

6 Kè Pɔɔrii nós nho nɔu be ìnkè, kébántè Kuyie nkè Muyaánsàdmùu cúténí, kè bè nnáá tináaancanti, ke náá Kuyie mpããnáanti.

7 De kó benìtìbè do bo tepítè nè bèdébè mbe.

8 Kè Pɔɔri ntaà kutíintouku ke dò beṭããbè bètããti ke náá Kuyie nkpaàtiyuu kpèti bá ke í yĩkù, ke dó bèè tì yie.

9 Kè itookperí yembèe yete kénsãã nYesu, benìtìbè ìikè. Kè Pɔɔrii túóté Yesu kɔbe kékɔtenè Tidanuusi kóo dàkòdòri ké mbè náá Kuyie nnáanti yewe yemɔu.

10 Ke dò yebie nyèdèè kè Asii kɔbe bemɔu Sifube nè bèè í tú Sifube kè bèè keè Kuyie nnáanti.

Dibòò puotímè Sefa bí

11 Kè Kuyie nkó muwèrímú mbonè Pɔɔri kòò dòdòri tidietì.

12 Kè bè ntau tiyààti tii kàáké Pɔɔri ke nɔnku bemuɔmbe kè bè miérí kè yebòkè yìè yè ta bè.

13 Sifube mabè bèè do centi ke beti yebòkè kè bè múнке ndó kèbeti dibòò nè Yesu kó diyètìrì ke dò: Nè Yesu, Pɔɔri nàá nwèè kpéí kó diyètìrì mí tu a yè onìti yie mmieke.

14 (Ikuó kóo niùtì diewè Sefa kó ibí iyiekè ìi do dòò memme.)

15 Kè dibòò dò: N yému Yesu! Ke yé Pɔɔri! Díndi né tú ãmbe?

16 Kè dibòò ta wèè bunnóò, ké bè puotí ké bè kòute kòute, kékèrí be yààti, kè bèè yè kécoké mebii.

17 Kè Efɛɛsi kɔbɛ bɛmɔu Sifubɛ nè bèè í tú Sifubɛ kè bèe keè de kó tináaàntì, kè kufɔwaa mbè pĩ nkè bè ndéúkùnkò ti Yiè nYesu kó diyètìrì.

18 Benitìbè pèu bèè yie nYesu kè bè nkɔrìní ke dáankò bɛ yei.

19 Kè betetiebɛ ntəunni betetepáte ke cúnko benitìbè iikè, de kó yepáte díítí bo ntùàke medítíbii nsikəupísìnùmmù (5000).

20 Mémme kè Kuyie nkó muwɛrímú mbè bonè kè Kirisi kɔbɛ sũũnkò.

Bè kparammè Dianni kpéí

21 Kè Pɔɔri dɔ: M bo nkɔri dīi mənni Sedisadɛmmu kɛyɛ Maseduənni nè Akayii kó itempɛ. Kè n dèè mɛmmɛ nkɔtɛ Odømmu.

22 Mɛmmɛ ò duómme kè Timəntee nè Edasiti bèè dɔ ò teɛnnè mutəmmú, kè bèe niitè kékɔtɛ Maseduənni kòo nkpaá Asii ke dɔ yewe sámɔ.

23 De mənni ndi dikənkəənni diɛrì tannímè Kuyie nnáaàntì kpéí.

24 Kòo nìtì mɔu bè tu wè Demɛtiriyuusi kòò màátí mɛsəə ke donnìkonè Dianni kó kudieku, ke yietì o təmbè mɛsàà.

25 Kòo tí ndiyiè mari betəbè bèè múnke pĩ nde kó mutəmmú, kè bè nàké ke dɔ: N kɔbɛ di yému ke dɔ mmu ntəmmú muu te kè ti məkɛ ti kperɛ.

26 Di wúómmu ke yo dè í tú Efɛɛsi máà, Asii kó ketenkè keməu ndi Pɔɔri nàammè benitìbè ke tú benitìbè dɔdri sīi tenkaanī í tú Kuyie, kè kusūku yīe nho kpeti.

27 Dè í dɔ ndè yóo caàrè ti kó mutəmmú máà, dè bo cakɛ nè ti kó dibəə diɛrì Dianni Aditemiisi kòo yètìrì kēke, Asii kɔbɛ nè kutenkù kuməu kɔbɛ tū ndi bo naá detetìrè.

28 Kòo kàbèe ti kèè kè be mièkèe pèike kè bè nwékíí kè tú: Efèesi kó dibòò Dianni deumu!

29 Kè kutowekuu dátínné dihèi dimòu kè bèe pfi Kayuusi nè Adisitaki Maseduanni kàbe bèè cienní Pòori, kékàtenè bè òò tíí ndè.

30 Kè Pòori dò ò bo kàte, kè Yesu kàbèe yete.

31 Kòo népobè Asii kó benitidièbè mabèe tónnì òmòu kè dò ò báá kàtoo.

32 Kè benitibèe sònté kénwékíí be bíékè be bíékè, besũkùbè keté kè í yé bè tíí mmùu kpéí.

33 Kè bèe náké Adekisántiri ditínni mièkè dè dòmmè, kè Sifube dò wèe béi, kòò tèntoo deyìkè, kòò dò: Kémùnè!

34 Kè bèe banté ò túmè Sifu nwe kénwékíí bemòu kè tú: Efèesi kóò Dianni Aditemiisi deumu kè dè mmàke tewebiètè mēfitimè mēdémè.

35 Kè dihèi kóò pátiwààtìi bónkùnne benitibè yèmmè, kébéi nke dò: Bá wè ò yému kè do ntínti Efèesi kàbe tíi bàa Dianni kó kutouku nè tetenkaanitè tètè donní kēĩnkè.

36 Òmòu báá na ké tí nènni, di dò nkétotí di yèmmè mme kè báá sònté kédòò tìmatì mēcāā.

37 Di pínnì benitibè biè mbè mē nyí yùúkú dèmarè ti kó kubòotouku mièkè, bè mē nyí sǎǎ ti kó tetenkaanitè Dianni.

38 Kè nsà kè Demetiriyuusi nè o kàbe kè bè màke nè òmòu tìmatì nti, yebeénwe bomu, kè bebeémbè bo, bè dò nkényu yè betòbè.

39 Kè di màke titetì matì di bo na ké tí tũnte bebeémbè borè.

40 Ketenkè yembè bo na kè dò ti dó kèyete be kpèti nè tíi dǎò yíe nti kpéi nke yé ti í yóó namè kénáké mùu te kè benitibè tíi.

41 Ò béi mēmmè kédeè kécíe mbenitibè.

20

Pɔɔri kàtemè Maseduɔnni nè Keresi

¹ Dikɔnkɔðnni dèè dii mɔnni kè Pɔɔrii tíi nYesu kɔbe kényáúkunnè be kɔnti ké bè cau nkéité kénkɔri Maseduɔnni.

² Kényáúkunko Yesu kɔbe kɔnti yehékè péu mièke kékɔte Keresi.

³ Kém̄m̄oke betããbè bètããti kéndó ke na nkòte Sidii kékeè Sifube ò diimè kényóu kèwẽte Maseduɔnni.

⁴ Nte bèè do ò cie mbe yètè: Piduusi Bedee èi kou bire nè Sopatee Adisitaki nè Sikunduusi Tesadoniki èi kou nè Kayuusi Deribu kou nè Timɔntee nè Tisiki nè Todofimmu Asii kó kutempẽ nkou.

⁵ Kè bèè niité ké nti baa Todowaasi.

⁶ Kè pèẽbè bèè í kɔrenè mutie mùu muuti de kó dibannii pèẽté kè ti ta bàtóò Fidipu èi kém̄m̄oke yewe yènnùmmù ké bè sòntóo Todowaasi, kè tí mbo ke dà yewe yèyiekè.

Pɔɔri duóm̄mè kè Etiisi yãnté

⁷ Dimáasi yiè kè ti tíi ntefètè tèè mùmmu, ke bo di kédinè Mudisààmù, kè Pɔɔri nnáá nKuyie nnáãnti kè keyènkè yàa toté ke cuokè, ke yé ò naa itimè.

⁸ Ti do tiku kudànkù tããnkù nku, kè ifitíyì còú mpéu.

⁹ Kè Pɔɔri nnáá nkè dèe mɔnte mediè, kè dedapùmbire marè karì kudieku kó tebòtè ìnkè kè de yètiri tu Etiisi, ke yè nke duó kédonní, kè bè dò bè bo dè íi nke s̄ ndè kú.

¹⁰ Kè Pɔɔrii cúténí ké dè tùóté kébéi nke dò: Di bá nyĩkù debire fòumu.

¹¹ Kèwẽte kédeke kè bèè di kédinè Mudisààmù. Kòo sɔté kènnáá nkè diyie yàa yènní, kòo pèẽté.

12 Kè bèe kpènné de kó dedapùmbire kè dè fòu kè benitìbè bemaù yèmmèe narikè.

Pɔɔri ítemè Todowaasi kékote Mideti

13 Kè ti ta kudabekù kèniitè Asoo kèmbaa mPɔɔri, ke yé ò kèrímè o naàcèi.

14 Kòo ti sònténí kè ti pèžtè kékote Mitèdanni.

15 Kè dèe wenté kè tí tuòke Kiyo, diyie tərì kétuòke Samɔɔsi ke cómmú, kèpèžtè kékote Mideti.

16 Kè Pɔɔri ndó kèmbó Sedisademma pāntikoti kó diyie kè nsà kè dè bo yie, kè dè nte kòò í ndó kécómmú Efesi Asii kó kutempè mmieke.

Pɔɔri caummè Efesi kòbe mesomme

17 Kè Pɔɔrii mbo Midee kètɔ nkè bèe yúni Efesi kó bewedəunkótìbè.

18 Kòo bè nàké ke dò: Di yému meborime do dòmmè nè n tùðkenímè di borè Asii kó kutempè mmieke ke n yàà íténè.

19 Di yému n kékùnkómè mmáà ke pĩ Kuyie ntōmmú nè tinənnietì, kè Sifube n díi ke n fěũnko.

20 Di yému n di nàké tì timəu, metíimmè mieke nè sicéĩ mieke, n yí di sònne tìmatì tìi dò nké di teennè.

21 N nàkému Sifube nè bèè í tú Sifube ke tú bèè ceete be borime kètũnne Kuyie nkéyie nti Yiè nYesu.

22 Di mmənnì Muyaánsààmù muù yē n kote Sedisademma, m me nyí yé dè yó nni ndòmmè de bíkè.

23 Bá dìi èi Muyaánsààmù ò n nàkému dikpetíntou nè mēfěũtímè dè m bàamè.

24 N kpeti í bonè n fōmmu, n dó n deè ti Yiè nYesu n duó mmù tōmmú mmu ke yē n nàké Kuyie nkó Tináansààtì benitìbè.

25 Di mmònni n yému ke dò ndi ténke í yó n yà, díndi n nàké bè Kuyie nkpààtiyuu kpeti.

26 Dèè te kè n di náá nyíe nke tú: Kè tii di tùòkení dè í tú n kpeti.

27 N di nàkému demou Kuyie ndó dè, n yí di sònne dèmarè.

28 N dakenè di mómməmbə kpéi nnè Muyaánsààmù di duó mbè kpéi. Mbaanè Kuyie ndonté bè nè ku Bire kũũ.

29 N yému ke dò m bo íté dii mònni, benitiyibe bo kətení kéndò yekpamaà nké ndi dəəri meyei, mbá mesémmè í mbè bo.

30 Benitibè yóó yému di cuokè ké n nàá nsiyáábísi ke bo yũš nYesu kəbe be bíékè.

31 Dentenni tũnke n di tiémmè yebie nyètāāti miéke, keyenkè nè kuyie nnè tinənniēti.

32 Di mmònni n di duó nKuyie nku, kè ku kó mesàà nkó tináaanti bo ndi baà. Kuù yóó na ke di kpénkũnne, ke di duó ndemou kù yē nkù yóó duó ndè ku kəbe.

33 N yí beke òmòù idíítí yoo tiyààti.

34 Di yému ke dò nnè n nəu sii nsi m pĩmmè mutəmmú ke teənnè mmáà nè n kəbe nè bè tí nēiti.

35 Ke di benke di dò nkémpĩ mmèè botí mutəmmú, ke teənnè beçĩribè, kè n dènniní ti Yiè nYesu béi ntí ke tú: Dè ãã nda naati a pã dii mònni ke pēēté bè da pã dii mònni.

36 Pəəri nàké memme kédeè ke nínkú kè bèe wənné ke bánté Kuyie.

37 Kè bèe ò cau nkóò ərí kékuó mbemou.

38 Kè be yémmè cààrè mediè nhò béi ntii kpéi nke tú, bè ténke í yóó ò yà. Kè bèe ò cíe nkékətenè bàtòò commu dè.

21

Muyaánsààmù tumè Pɔɔri bo fɛũté Sedisadɛmmu

¹ Kè tí cau ntitɔ̀bè kédeè, kè tí ta bàtòò kétuɔ̀ke Koosi, kè dèe wenté kè tí tuɔ̀ke Odoti kèpɛ̀ɛ̀té kékɔ̀te Patadaa.

² Ti de mpɛ̀té bàtòò wèè kàri Fenisii kéta kèpɛ̀ɛ̀té.

³ Kétóónnè Sipiri, kòò yóu kubakù cànkù kèwetínné Sidii kó kutempɛ̀, kétuɔ̀ke Tiiri, bàtòò dò nkécũũ ndè tinenti.

⁴ Ti de nyà Yesu kɔ̀be, ké mbè bonè ke dò yewe yèyiekè kè Muyaánsààmùu bè niité kè bèe náké Pɔɔri ke dò ò báá kɔ̀te Sedisadɛmmu.

⁵ De kó difɔ̀nkúò kè bè ti cíe mbemɔ̀u, benitidaabè nè be pobè nè be bí, ke ti denne dihei mànkù, kè tí nínkú dàméèrì také kèwɛ̀nné kébántè Kuyie.

⁶ Kécau ntitɔ̀bè kè tí ntati bàtòò, kè be kũnti.

⁷ Kè tí íté Tiiri kétuɔ̀ke Potodemayiisi ke dò diyie òmáà ke dɔ̀u nti kɔ̀be Yesu kɔ̀be.

⁸ Kè dèe wenté kè tí pɛ̀ɛ̀té kétuɔ̀ke Sesadee kéta Fidipu cɛ̀tè, bè do tããté bè beyiekè kè bè bo nteénnè Yesu tɔ̀rè kòò mɔ̀u nwe.

⁹ Kòò mɔ̀ke besapàmbè bènáà bá bè í ye, ke tú Kuyie mpããnáànti náam̀bè.

¹⁰ Kè tí nde mbo ke dò yewe sám̀pó, kè Kuyie mpããnáànti náàntò mɔ̀u bè tú wè Akabuusi boní Sudee kétuɔ̀kení.

¹¹ Kékɔ̀too ti borè kétúóté Pɔɔri naàkɔ̀nfè kéboú omáà o nɔ̀u nè o naàcèi ke dò: Nte Muyaánsààmù n nàké tì, wèè te fenaàkɔ̀nfè fiɛ, Sifube yóó ò boú mie mbotí nku Sedisadɛmmu kéduó mbèè í tú Sifube.

¹² Ti kèè dìi m̀nni de kó tináànti, nè Sesadee kɔ̀be kè tí bántè Pɔɔri ke dò ò báá kɔ̀te Sedisadɛmmu.

13 Kòo b́ei nke d̀: Di kuònnè ba ke caari n yèmmè? N wákému kè bè bo n kpetínné Sedisadεmmu bá bè n kuò ti Yiè nYesu kó diyètìrì kprí.

14 Ti í nna ke bo ò bàa ḱyóu ke d̀: Kuyie nd̀d̀ kù d́mè.

15 Kè tí mm̀ke yewe sámpó ke báátí ḱkote Sedisadεmmu.

16 Kè Yesu k̀be bèè bo Sesadee kè bè ti cíe nkè ti bií b́atè onitì m̀u ćètè bè tu wè Manasō, Sipiri èi kou, k̀d̀ tu wèè c̀uté Yesu nè dim̀nnì.

P̀ori d̀d̀mè Kuyie nkó ikuó Sedisadεmmu

17 Ti t̀d̀ke diì m̀nnì Sedisadεmmu kè Yesu k̀be ti c̀uté nè diwèi.

18 Kè d̀e wenté, kè P̀ori ti k̀tenè Isaku ćètè, ke bewed̀unkótìbè bεm̀uu tíí.

19 Kè P̀orii bè d̀u nkédeè, kè bè nàké dem̀u Kuyie nh̀ ṕnnè mèè botí mut̀mmú bèè í tú Sifube bε miεke.

20 Kè bèe sántε Kuyie nkédeè ke né ò nàké ke d̀: Wénté Sifube c̀uté Yesu ke sũ mèè botí, ke né kpaá tũ mbε kó ikuó weti weti.

21 Bè kèè kè bè tu a yè nSifube bèè bo ibotí t̀i miεke bèe yóu M̀yiisi kó ikuó, ke bá ncámm̀u be bí, bè mε mbá ntũ Sifube kó med̀̀r̀mè.

22 Kè bè kèè a t̀d̀kenímè ke k̀tení ti ýme?

23 D̀d̀ ti yóo mε nda náké t̀: Ti m̀ke die mbenit̀bè bènàà ndi bèè cànnenè Kuyie ndinù.

24 Nèinè be kè dí d̀d̀ Kuyie nkó ikuó ḱwenke, k̀a yietí be kó tiyeti kè bèe bè kuó, kè benit̀bèe banté a tũmmè M̀yiisi kó ikuó, kè bè kèè t̀, í tú tim̀mm̀nti.

25 Ti ẁrimu dipátiri bèè í tú Sifube, ke c̀uté Yesu, ti tãáté t̀, ke tú bè bá nyo nyiwũ bè fié ì yeb̀kè

nè meγĩĩ nè iwũõ bè í fié ì kè meγĩĩ nyè, kémenténè bemáá bè bo ndəutinèmè betəbè.

²⁶ Kè Pəərii bè neinè kè bèe dəò ikuó kéwenke, kè dèe wenté kè bèe ta Kuyie ncĩètè miεke kénáké ke dò yeve yeγiekè ikuó bo deè, bá wè kòo təní o wũõ kéfíé.

Bè pĩmmè Pəəri Kuyie ncĩètè miεke

²⁷ Kè de kó yeve yeγiekè ndó kédeè, kè Sifube bèè bonní Asii kó kutempē kè bèe yà Pəəri Kuyie ncĩètè késukú benitibè, kè bèe ò pĩ,

²⁸ kékuónko ke dò: Isidayεεribe ti deeténè! Onitì yie, nweè náante tipĩtì timəu Isidayεεribe kpéí, ke yete Məyiisi kó ikuó, ke dàátí ke tanné bèè í tú Sifube Kuyie ncĩètè, ke tè sĩnkùnne.

²⁹ (Bè do náá memme ke yé bè yàmè Todofimmu Efεεsi εì kou wèè tu Kirisi kou dihei miεke kòò neínè Pəəri kè be yeimmè ndò mPəəri ò tanné Kuyie ncĩètè.)

³⁰ Kè dèe yonke benitibè kè bèe yeñní beməu dihei kápĩ mPəəri Kuyie ncĩètè miεke kédete kéyènnè, kékpetínné yeβòrè meεā.

³¹ Kè bè nwékíí ke dó kòò kùò, kè bèe náké Odommu kó behāāpəmbè kóo kótì ke dò: Dikpənnì bo dihei miεke.

³² Kòo yú behāāpəmbè nè iwēĩ yembè kè bèe kəte meεā. Bè bè yàní diì mənni kéyóu bè bo mpuotimè Pəəri.

³³ Kè behāāpəmbè kóo kótìi tóonko kéduó nkè behāāpəmbèε bóu Pəəri mefĩmme mēdémè kédeè kòo beke benitibè Pəəri tú wè nè ò cəke mù.

³⁴ Kè bie nni nnáá ntii, kè betəbè nàá ntitetì, bá ò í mbanté kéduó nkè bèe ò kətenè tehāāpəncĩètè,

35 kéndèètì yedētìsàkè kè tihãāpòntìi ò buuté benitìbè mièkè ò péi mètè kpéí.

36 Ké yé kunitisũkù do tũmmè ké wékíí ké tú: Kuonè we!

Pɔɔri beémmè o kpɛti

37 Kè bè nhò tannìnkoo kudieku kòo beke behãāpòmbè kóo kótì ké dò: A bo yie nkè n da náké tìmatàà? Kòo ãāpònkótì dò: A yomu kerékìàà?

38 Fṣṣ í tú Esibiti kou wèè yete dihei kpɛti ké wáá mbekpàribè sikɔupísìnàà (4000) kè dí ta dikpáà mièkàà?

39 Kè Pɔɔri dò: N tú Sifu nwe kè bè m peité Taasi dihei die, Sidisii kó kutempɛ, n da báammu yóu kè m béí.

40 Kòo ãāpònkótìi yie nkè Pɔɔrii ncómmú yedētìsàkè kényekìi o nùtè benitìbè kè bè dò káré. Kè Pɔɔri béinnè Ebedeebe kó tináàntì ké dò:

22

1 N népobè nè n cicebè kémmúnè kè n di náké kè di banté n yí cààrèmmè mùmamù.

2 Kè bèe keè ò bè nàánnèmmè Ebedeebe kó tináàntì ké dake dò káré.

3 Kòò dò: N tú Sifu nwe, kè bè m peité Taasi, Sidisii kó kutempɛ, kè m bìíkú die Sedisademma, kè Kamadiyɛeri m benke ti yembè kó ikuú weti weti, kè n kòntì nýaunè Kuyie nkó mutōmmú ké dò ndi kpɛti mètè ndòmmè yíe.

4 Kè nní nfěũnko Yesu kɔbe, benitidaabè nè benitipòbè, ké bè pĩ nke kpɛti betɔbè.

5 Ikuú niùtì diewè nè o kɔbe bè yému, bèè do n duó yepáte kè m bo kɔte Damaasi ké pĩmmú Yesu kɔbe kékonnènní Sedisademma kéfěũ.

*Pɔ̄ri nàkémè ò cèète mɛ̀ botí
(Yesu Tōrè 9:1-19, 26:12-18)*

⁶ Kè nní nkeri ke tóónko Damaasi kè diyìè còmú yeyo, kè kuwenniku makùu cúténí keĩnkè ké n fité.

⁷ Kè n do ketenkè kékeè metammè mamè tumè: Sɔ̄ri! Sɔ̄ri! Dè dòmme kàa n fěũnko?

⁸ Kè n dà: Fɔ̄ nwennìnwe n Yiè? Kòò dà: Mí nYesu Nansareti kou nwe a fěũnkomè.

⁹ Nè bè ti nei kè bèe yà kuwenniku bè me nyí nkèè metammè.

¹⁰ Kè n dà: N Yiè n dò nkédòò ba? Kòò dà: Íté, kékote Damaasi, bè yóó ke nda náké a dò nkédòò tì.

¹¹ Dè m̀nni ke s̀ nde kó kuwenniku n tiité bá n yí wúó, kè n neínè bè n dete kétanné Damaasi.

¹² Kòò nìti m̀òu dè bo bè tú wè Ananniyaasi kòò dé Kuyie nke yíe nku kuó, kè Sifube bemou ò d́.

¹³ Kòò ketení m borè ke dà: N tebite Pɔ̄ri, wɛte kéwénté, de m̀nni kè n na kéwénté kóò yà.

¹⁴ Kòò béi nke dà: Kuyie nti yembè tũ nkù kuù da tããté kàa yà wèè d̀̀ri kù dómè kòò béi nkàa kèè ke bo banté o d́ dè.

¹⁵ Fɔ̄ò yóó náké o kpéi benitibè bemou a kèè ti nè a yà dè.

¹⁶ A ténke baa ba? Íté kè bè da ãnné bàtèmmù kàa duó nhamáà ti Yiè, nkòò da óúté a yei.

Pɔ̄ri nàkémè ò kàtemè bèè í tú Sifube be cie

¹⁷ Kè n wɛtení Sedisademmu, kémbáá nKuyie nku cĩètè miéke.

¹⁸ Kè ti Yiè nni mbenke omáà ké n náké ke dà: Íté kényè Sedisademmu mɛcãã nke yé bè í yóó yiemme a bè nàá ntì n kpéi.

19 Kè n dò: N Yiè, mbè yému be móm̄m̄m̄be m̄i do k̄arimè titíintouti ke p̄ĩ nha k̄abe ke bè puotì, ke bè kpeti.

20 Bè do k̄òu a k̄oo t̄ontì Etienni kè m bomu ke w̄ennè bèè ò k̄òu, ke baa be yààti.

21 Kè ti Yiè nni nnáké ke dò: N yóó da t̄o ndedétirè nde bèè í tú Sifube be borè.

P̄ori nè Odommu kó kuhã̄p̄ònkù

22 P̄ori do náá kè bè k̄èmm̄umu, bè né kèè d̄ii m̄onni bèè í tú Sifube be kpeti k̄ewekíi ke dò: Kuonè onitì yie, nwè í dò nkénfòu.

23 Kè bè nwékíi ke buon̄koo be yààti ke déi mutáá.

24 Kè behã̄p̄òmbè k̄oo k̄òti duó nkè bèe tanné P̄ori t̄ehã̄p̄ònc̄f̄ètè, ke bo ò puotí yedá, k̄oo náké mùu te kè benitibè mieke ò còu.

25 Kòò t̄au nkè bo ò puotí, k̄oo beke kuhã̄p̄ònkù kùu do bè bàa de kó diyie ke dò: Di m̄ake kuce ke bo puotí Odommu kou ke í ò bekénàà?

26 Kè kùu coké kénáké be k̄oo k̄òti ke dò: A bo ȳime onitì yie? Ò tu Odommu kou nwe.

27 Kòò ã̄p̄ònkòti k̄atení k̄ebekè P̄ori ke dò: A m̄enke tú Odommu kou nweà? Kòò dò: Èè, n we ntú.

28 Kòò ã̄p̄ònkòti dò: Mí n yietí idítí nyi mediè nke naá nhOdommu kou. Kè P̄ori dò: Mí nhò tu nè bè m̄peitèmmè mme.

29 Bèè do d̄ó kòò puotí kè bèe ité, kè kuf̄owaá mp̄ĩ nhohã̄p̄ònkòti ò duóm̄mè kè bè bou m̄ef̄imme Odommu kou.

P̄ori nè bebeémbè diebè

30 Kè d̄ee wenté kòò ã̄p̄ònkòti ndó k̄éyà mùu te kè bè p̄ĩ mP̄ori, ke tí nyikuó niùbè kó bekótibè nè

βεβεέμβε κέβhoutέ Ρωρι μεῖμμε κέκũñní κέκόννέ
βε cuokè.

23

¹ Κέ Ρωρι nwúó mβεβεέμβε κέβεί nκε δò: Kuyie nni nwúómu, nè m bomè tìmatì í κóónνè n yèmmè.

² Κέ ikuó nìtì diewè Ananniyaasii duó nκè bèè tókénè Ρωρι κè bèè poté o nùù.

³ Κέ Ρωρι δò: Kuyie nyóó poté f̂ nwe, a δò nnè ditou s̄nni bè bi di mumòmmu péímù. A kari die nκε bo m bekénè ikuó yèmmè κε wèτε κε ì yeténè, κε duó nκè bè m poté.

⁴ Βèè tókénè Ρωρι κè bèè ò nàké κε δò: Ikuó nìtì diewè nwe a sáámmàà?

⁵ Κέ Ρωρι δò: N κάβε n do í yé κε do ikuó nìtì diewè nwe, κε yé tì wàrimè κε tú: A báá sáá nwèè ni a kó kubotí.

⁶ Κέ Ρωrii banté βεβεέμβε bomè ibotí idèi, Sadusĩēβε nè Fadisĩēβε, κε βεί nκε δò: N tú Fadisĩē nwe κè n cice tú Fadisĩē, n tá mèè kpéi nκε δò mukúkéyántímù bo, deè te κè di m bekùnè.

⁷ Ò βεί μεμμε Fadisĩēβε nè Sadusĩēβε κè bèè íté tinèitì kέyate.

⁸ Κέ Sadusĩēβε ntú mukúkéyántímù í bo, Kuyie ntōrè με nyí bo, yoo muyaá ntēmù mamù με nyí bo, κè Fadisĩēβε bie nyé κε δò dende kó dimàà bo.

⁹ Κέ kutowekuu deuke κè ikuó wãàbè bèè tu Fadisĩēβε κè bèè kónné Ρωρι κε δò: Ti í yà onitì yie ndòò mèè yei, κè dè yèmmε Kuyie ntōnni marì dii bo nhò béinnè, yoo muyaá ntēmù mamù.

10 Kè dikpànni deuke, kòo ããpònkóti ñyĩèkù bè bo kuómè Pòori, kédúó nkè behããpòmbèè cútóo kòò tùóté ditínni mièké kètanné tehããpòncíètè.

11 De kó keyènkè kè ti Yiè nkàtení kénáké Pòori ke dò: A kòntì báá yàrike, a nàké mèè botí nkprí Sedisademmu kàbe a yóó me nnáké Odømmu kàbe n kprí.

Sifube dàkemè ke bo kuò Pòori

12 Kè dèe wenté kè Sifubee wènné ke dò bè báá di, bè me mbáá yà dèmarè ke í kùò Pòori.

13 Bèè do wènné ke bo ò kùò bè do bo mbo sipísìnà,

14 kékote keyà ikuó niùbè kó bekótíbè nè bekótíbè ké bè nàké ke dò: Ti yetemu ke tú ti báá di dèmarè ke í kùò Pòori.

15 Bekenè ohããpònkóti kè dè ndò ndi dó keyà Pòori ke wénté o náàntì mesàà, kè bè ò kàriní, ti bo mbo de m̀nni kuce kòò kùò kòo mu nyí t̀̀kení.

16 Kè Pòori tãũ birèe keè bè dàkemè ke bo kuò Pòori, kékote tehããpòncíètè kéta kòò nàké.

17 Kè Pòorii yú kuhããpònkù makù ke dò: Niité we ndapàà nhOkóti borè, ò màke t̀matì nti ke dó kòò nàké.

18 Kè kuhããpònkù ò neinè kè bèe kote ohããpònkóti borè, kè kùu ò nàké ke dò: Kukpetínkù Pòori weè yè n kàtení we ndapàà nha borè kòò da nàké t̀matì.

19 Kòo ããpònkóti de te weè dapàà nkè bèe kenté kòò dò: A yè mba?

20 Kòò dò: Sifube beè dàke ke duó nkè bebeémbè bo da beke kàa naa nkàriníko Pòori kè dè ndò mbè dó ke wénté o náàntì mesàà.

21 Báá yie mbe kpèti! Bèè dó kòò kùò bè bo mbo sipísìnàà ndi ke tú bè báá di, bè me mbáá yà dèmarè ke í ò kùò. Bè bàátímu ke baà fí nwe.

22 Kòò ãṗṗònkótì dò: Kò, a né báá náké òmòu a ti nni nnàkémè.

Bè kòtemmè Pṛari Fediisi borè

23 Kè behãṗṗòmbè kóo kótìi yú iwēī yembè bèdébè ke dò: Duónnè kè behãṗṗòmbè sikousìnàà nè sipísiyiekè (470) báátí. Kè sikousidé (200) ñtò tikpàrinentì, kè sipísiyiekè ñdeke sisēī, kè sikousidé tesii báátí, kè di íté keyènkè tewebiètè mèwèi m̀nnì kékote Sesadee.

24 Waánnè sisēī s̀iì yó ñtò Pṛari kòo tuòke kùmàndáà Fediisi borè nè kusààkù.

25 Ò béi mmemme kéwāri dipátiri ke dò:

26 Kudodi Disiyasi m̀iì d̀unko kùmàndáà Fediisi.

27 M mè nda duónko wèè nìtì Sifube beè sòò ò pī nkéndó kòò kùò, kè n k̀otoo nè nh ãṗṗòmbè. Kékeè ò tùmè Odommu kou kòò fiètè,

28 kéndó k̀yà bè ò pī mmùù kpéi, kòò k̀tenè bebeéndiebè borè.

29 Ke ś mbè ò pī mbe kó iwed̀unkuó kpéi nke, ò me nyí d̀ò mèyèi mmamè mèè d̀ò mbèè ò kùò yoo bèè ò kpetínnè.

30 N kèè bè d̀kemè mme ke dó kòò kùò, ke p̀anke wè nda duónko kè bè bo k̀otoo k̀aa yà o kpèti.

31 Kè behãṗṗòmbèè d̀ò be kóo kótì bè náké tì, kétúótè Pṛari de kó keyènkè kékotenè Āntipatirisi.

32 Kè d̀e wenté kè behãṗṗòmbè bèè c̀ntì be naàc̀èi kè bèè kpénté kè bèè d̀eke sisēī kè bè nhò s̀akénè.

33 Kétuòke Sesadee kéduó nkùmàndáà dipátiri nè Pṛari.

34 Kè kùmàndáà kaà ndipátíri, kébeke Pɔ̄ri ò tu kùù tempɛ nkou, kòò d̀̀: Sídísii.

35 Kòò d̀̀: N yóó w̄ɛte ke da bekému bèè da p̄i bè bo tuɔkení d̀̀i m̀̀nnì kédeè kòò tanné Ed̀̀ti do maá t̀̀è c̄̀t̀̀è miεke.

24

Bè bekunnèmè Pɔ̄ri Fediisi borè

1 Yewe yènùmmù kó dif̄̀nkùò kè ikuó ǹ̀t̀̀ti diεwè Ananniyaasii tuɔkení nè dihei kó bekótíbè nè opútíwè Tetiduusi, ke bo náké kùmàndáà Pɔ̄ri kó meyi.

2 Kè bèe yúní Pɔ̄ri, kè Tetiduusi nyóó ò wátí kés̄ante kùmàndáà ke d̀̀: Kùmàndáà diεwè Fediisi,

3 f̄̀ò te kè ti òmpè, kè ti eì cèète ke wenke. Ti da s̄ántí s̄áà tip̄̀t̀̀ti tim̄̀ou a sàà nkpr̄́í.

4 N né da báammu nè a sàà nkpr̄́í, yóu kè n da náké oǹ̀t̀̀ti yiè nkpeti sám̀̀pó.

5 Ò tú onit̄̀iyeiwe nwe, ke yaáat̄̀i Sifube tip̄̀t̀̀ti tim̄̀ou, ò tu Nansareti kabε kó dit̄̀innì kóo ǹ̀t̀̀ti nwe.

6 Ò d̀̀ kés̄ĩnk̀̀unne Kuyie nc̄̀t̀̀è nte ke ti ò p̄i, [ke na nhò bekénè ti kó ikuó ȳemmè.

7 Kè beh̄ã̀p̀̀mbè kóo kót̄̀i Disiyasi ò fiète nè muw̄́rímú,

8 kédúú nkè bèè ò p̄i nkè bè ò k̄̀tenenì a borè.] Beke we a m̀̀mmuò nkòò da náké.

9 Kè Sifubeε yie mbem̄̀ou nke d̀̀: Ò nàá m̀̀mmuò nwe.

Pɔ̄ri nàkémè o kpeti Fediisi borè

10 Kè kùmàndáà d̀̀ Pɔ̄rii b̄́i, kè Pɔ̄ri d̀̀: Kùmàndáà diεwè Fediisi, n ȳemu ke d̀̀ nti kó

ketenkè kemou kabè bekù fí nwe yebie mpéu miéke, n yí yîékù m bo da nákéme n kpeti.

11 A bo na ké bè beke. Nè n tûkennímè Sedisadèmmu ke bo bántè Kuyie dè í pèèté yewe tepítè nè yèdéè.

12 Òmòu í n yà Kuyie ncîèè miéke yoo titíintouti yoo dihei kè n neínè òmòu yoo n sukíí benitibè.

13 Be nnitibè báá na kénáké tìmatì bè m pĩ tìi kpéí.

14 Tìmatì máà ndi n yémè. N tū ti yembè kó kuce nku meborime pammè miéke, bembe yè mmèè í wenni, m me nyí yete tìi wàri ikuó kó yepáte nè Kuyie mpāānāāntì náāmbè kpeye miéke.

15 N támu bè támè ke dò nKuyie mbo duó nkè benitisààbè nè benitiyeibe kè bèe yánté.

16 Dèè te kè n yetíróo ke í dó kéyeténè Kuyie nè benitibè.

17 Dè màke yebie mpéu n yitémè Sedisadèmmu, ke wètení ke tò idítí ke bo pā n kabè kápā Kuyie nyepārè.

18 Nsòò ye mpāā Kuyie ncîèè miéke bá kutoweku í bo.

19 Kè Sifube mabè bèè ò mboní Asii kè bè n sǒnté, beè dò nke na mbo die, kè n cààrè dèmarè nde bèe béi.

20 Yoo bèè bo die mbèe béi mbè sòò m bekùnè káyà mèè yei.

21 Kè dè í tú n sòò béi ntì mekperímè be ìkè ke dò: N tá mèè kpéí nke dò mukúkáyántímù bo, dèè kpéí nte kè di m bekùnè yíe.

22 Fediisi wèè yè Yesu kó kuce do mmèè botí, kòo tente dikàtìrì ke dò: Behāāpòmbè kóo kótì Disiyasi

bo tuəkēnì dīì m̀nnì m bo d̀ò k̀ewénté de kó tináàntì.

²³ Ò b́ei m̀emme k̀enáké kuhā̀p̀ònkù ke d̀ò k̀ùu k̀petínné P̀òri, ke né ò p̄a m̀efiè ke yóu k̀òo k̀òbe nhò teénnè.

P̀òri nàkémè o k̀peti Fedikisi nè o pokù Turisiiri

²⁴ K̀è d̀è d̀ò yewe sámpó k̀è Fedikisii neínè o pokù Turisiiri wèè tu Sifu, k̀ékòte, k̀edúó nkè b̀èe yúnì P̀òri k̀òo mbè nàá nYesu Kirisi k̀peti k̀è b̀è k̀èrmú.

²⁵ K̀è P̀òri nnáá onìtì d̀ommè k̀éndòori Kuyie ndó d̀è, k̀énnò nkè p̄ĩ nhomáà. Nè Kuyie nyóó bekénèmè benitibè. K̀è kufōwáá mp̄i Fediisi k̀òò d̀ò: K̀è m p̀ètè m̀efiè m bo ẁete ke da yú.

²⁶ Ò do d́ P̀òri bo ò p̄amè m̀me idiítí k̀è deè nte k̀òo nhò yu sáà k̀è b̀è nàá.

²⁷ K̀è yebie nyèdèè p̀èèté, k̀è P̀odisuusi Fesituusii c̀outè tikp̀atì k̀è Fediisi ndó k̀énnaatinè Sifube ke yóu k̀è P̀òri ñkpetí.

25

P̀òri d́mè k̀éyà okp̀atì diewè Sesaa

¹ K̀è Fesituusii tuəkēnì Sesadee k̀émmòke yewe yètààti k̀ékòte Sedisademmu.

² K̀è ikuó niùbè kó bekótibè nè Sifube kó bekótibèe k̀atení o borè k̀è nhò nàá m̀P̀òri kó meyei.

³ K̀òò bàá nkè tú wèe dúó nkè P̀òrii k̀atení Sedisademmu. B̀è do d̀akemu ke bo ò k̀ùo kuce mièke.

⁴ K̀è Fesituusii b̀è nàkè ke d̀ò: P̀òri k̀petí Sesadee nwe. Mí mmómumuò nkè n k̀ünti bàmbà.

⁵ Di kó bekótibè bo na k̀è n neínè Sesadee, k̀òò d̀ò meyei mmamè m̀me b̀èe nàkè.

6 Kè Fesituusi mbè bonè ke dò yewe yèni yoo tɛpíítè, kékɛwɛtɛ Sesadee. Kè dèe wenté kòo ta kubeëndieku kéduó nkè bèe yúní Pɔ̀ori.

7 Kòo tuòkení, kè Sifubee yènní Sedisademma kóò kènné, ke nnáá ò nu ndòò mèè yei mpéu, bè me nyí mpètè dèè benkú ke dò mbè náà ntì tú timómmonti.

8 Kè Pɔ̀orii yete ke dò: N yí yete Sifube kó ikuó mai, m me nyí yeténè Kuyie nčí̀tè, m me nyí yete ketenkè yiè nkpeti matì.

9 Kè Fesituusi ndó kénnaatinè Sifube kékèke Pɔ̀ori ke dò: A dó kékote Sedisademma kè bè nda bekùnè kè m boàà?

10 Kè Pɔ̀orii ò tɛ́nné ke dò: N dó kékote okpààti diewè Sesaa borè nde kè wèe m bekénè, n yí dòò Sifube meyei mmamè kéndònnè a yémè a mómmu.

11 Kè n do ncààrèmu yoo n dòò meyei mèè dò mbè n kuò, n yí yetírí m bo kúmè, kè bè me nsò́nté ke n níímmu òmòu í m̀ake kuce ke bo m pí nké bè duó. N dó kékò okpààti diewè Sesaa nwe.

12 Fesituusi nè o k̀abe kè bèe náké bemaà kédeè kòo náké Pɔ̀ori ke dò: Kàa dó kékò Sesaa nwe a yóó ò yàmu.

Akiripaa dómè kékè Pɔ̀ori nàámmè

13 Kè dè dò yewe sám̀pó kóo kpààti Akiripaa nè Beriniisi kè bèe k̀ate Sesadee ke bo d̀au Fesituusi,

14 kékò kè dèe m̀ante sám̀pó kè Fesituusii ò nàké ke dò: Fediisi n yóunè onìti m̀ou kòò kpàá kpetì.

15 Kè n sòò k̀ate Sedisademma kè ikuó nìùbè kó bekótíbè nè Sifube kó bekótíbè kè bè n nàké o kpéi nke dò nh ò k̀u.

16 Kè m bè tɛ́nné ke dò: Odommu k̀abe òó í nduó nhonìti o kpantídènt̀abè kè bè í beké, kòò nàké o kpeti.

17 Μεμ̃με̃ κ̃ε̃ β̃ε̃ε̃ κ̃α̃τ̃εν̃ί̃ δ̃ι̃ε̃, κ̃ε̃ δ̃ε̃ε̃ w̃ẽñt̃é̃ κ̃ε̃ m̃ p̃à̃ñκ̃ε̃ε̃ tã k̃ũb̃ẽé̃ñd̃ĩẽk̃ũ k̃é̃d̃ũó̃ ñκ̃é̃ β̃ε̃ε̃ ỹú̃ñí̃ δ̃ε̃ k̃ó̃õ ñì̃t̃ĩ.

18 Β̃ε̃ε̃ ò̃ p̃ĩ̃ m̃b̃é̃ m̃ε̃ ñỹí̃ ñà̃κ̃é̃ m̃ε̃ỹẽĩ m̃m̃ãm̃é̃ ñ ỹé̃m̃m̃é̃ δ̃õ δ̃ò̃ m̃b̃é̃ ỹé̃ ñh̃ ò̃ δ̃ò̃δ̃m̃é̃.

19 Β̃é̃ δ̃õ ñε̃ĩ β̃ε̃ k̃ó̃ m̃ũw̃ẽδ̃ũm̃m̃ũ κ̃p̃r̃é̃ĩ ñκ̃ε̃ ñé̃ Ỹẽs̃ũ m̃ãũ w̃é̃é̃ k̃ũ κ̃é̃ P̃ãr̃ĩ t̃ũ ò̃ f̃ò̃ũ.

20 Β̃á̃ ñ ỹí̃ m̃b̃ãñt̃é̃ m̃ b̃õ β̃ẽκ̃ε̃ m̃é̃é̃ b̃õt̃í̃ δ̃ε̃ k̃ó̃ t̃ĩñá̃ãñt̃ĩ, k̃é̃β̃ẽκ̃ε̃ P̃ãr̃ĩ k̃ò̃δ̃ b̃õ ñd̃ó̃ k̃é̃k̃ãt̃ẽ S̃ẽd̃ĩs̃ãδ̃ẽm̃m̃ũ κ̃é̃ β̃é̃ε̃ k̃é̃ m̃b̃ẽk̃é̃.

21 Κ̃é̃ P̃ãr̃ĩ ỹẽt̃ẽ κ̃ε̃ t̃ú̃: Ò̃ δ̃ó̃ õk̃p̃ãà̃t̃ĩ δ̃ĩẽw̃é̃ w̃ẽé̃ ò̃ β̃ẽk̃é̃ñé̃, κ̃é̃ m̃ m̃ε̃ ñỹó̃ũ k̃ò̃δ̃ k̃p̃ẽt̃ĩ κ̃ε̃ k̃é̃m̃m̃ú̃ñé̃ m̃ b̃õ ò̃ δ̃ũó̃ñk̃õm̃é̃ S̃ẽs̃ãã.

22 Κ̃é̃ Ãk̃ĩr̃ĩp̃ãã δ̃ò̃: M̃ m̃ú̃ñκ̃ε̃ δ̃ó̃ k̃é̃k̃ẽè̃m̃ũ δ̃ε̃ k̃ó̃õ ñì̃t̃ĩ ñá̃á̃ ñt̃ĩ. Κ̃é̃ F̃ẽs̃ĩt̃ũũs̃ĩ δ̃ò̃: Ã ñãã b̃õ ò̃ ỹà̃ k̃é̃k̃ẽè̃ ò̃ ñá̃á̃m̃m̃é̃.

23 Κ̃é̃ δ̃ε̃ε̃ w̃ẽñt̃é̃ Ãk̃ĩr̃ĩp̃ãã ñé̃ B̃ẽr̃ĩñĩĩs̃ĩ κ̃é̃ β̃é̃ ñκ̃ãr̃ĩ κ̃é̃ β̃ẽñì̃t̃ĩβ̃é̃ β̃é̃ ũr̃í̃, κ̃é̃ β̃é̃ε̃ tã k̃ũb̃ẽé̃ñd̃ĩẽk̃ũ κ̃ε̃ ñε̃ĩñé̃ ĩw̃é̃ĩ̃ ỹẽm̃b̃é̃ ñé̃ d̃ĩh̃é̃ĩ k̃ó̃ β̃ẽk̃ó̃t̃ĩβ̃é̃, κ̃é̃ F̃ẽs̃ĩt̃ũũs̃ĩĩ δ̃ũó̃ ñκ̃é̃ β̃é̃ε̃ ỹú̃ñí̃ P̃ãr̃ĩ.

24 Κ̃é̃ F̃ẽs̃ĩt̃ũũs̃ĩĩ β̃é̃ĩ ñκ̃ε̃ δ̃ò̃: Õk̃p̃ãà̃t̃ĩ Ãk̃ĩr̃ĩp̃ãã ñé̃ d̃í̃ñd̃ĩ β̃é̃é̃ b̃õ δ̃ĩε̃, ñ̃t̃ẽñé̃ õñì̃t̃ĩ S̃ĩf̃ũb̃ε̃ β̃ẽm̃õũ S̃ẽd̃ĩs̃ãδ̃ẽm̃m̃ũ κ̃ãβ̃ε̃ ñé̃ S̃ẽs̃ãd̃ẽẽ κ̃ãβ̃ε̃ ỹé̃ ñ k̃ũã w̃é̃.

25 M̃í̃ ñ ỹí̃ ỹà̃ ò̃ δ̃ò̃δ̃ m̃é̃é̃ ỹẽĩ ñκ̃ε̃ δ̃ò̃ ñt̃ĩ ò̃ k̃ũã, ò̃ ñé̃ m̃ε̃ ñỹé̃m̃m̃é̃ ò̃ δ̃ó̃ k̃é̃ỹà̃ õk̃p̃ãà̃t̃ĩ δ̃ĩẽw̃é̃, κ̃é̃ m̃ m̃ε̃ ñỹĩẽ κ̃ε̃ b̃õ w̃é̃ ñh̃ò̃ δ̃ũó̃ñk̃õ.

26 Ñ ỹí̃ ỹà̃ m̃ b̃õ w̃á̃r̃ĩ t̃ĩ, δ̃ε̃é̃ t̃ẽ κ̃é̃ ñh̃ ò̃ ỹú̃ñí̃, f̃s̃ ñh̃õk̃p̃ãà̃t̃ĩ Ãk̃ĩr̃ĩp̃ãã ã ì̃ì̃k̃é̃ ñé̃ β̃ẽt̃ãβ̃é̃, κ̃é̃ t̃ĩ b̃õ ñá̃k̃é̃ δ̃ε̃ k̃ó̃ t̃ĩñá̃ãñt̃ĩ κ̃é̃ ñ ỹà̃ m̃ b̃õ w̃á̃r̃ĩ t̃ĩ k̃ẽt̃ẽñk̃é̃ ỹĩé̃.

27 M̃í̃ m̃ b̃õr̃é̃ δ̃é̃ í̃ w̃ẽññĩ m̃ b̃õ δ̃ũó̃ñk̃õm̃é̃ k̃ũk̃p̃ẽt̃ĩñk̃ũ õk̃ó̃t̃ĩ κ̃ε̃ í̃ ñà̃k̃é̃ k̃ũ c̃à̃k̃ẽm̃ũ.

Pɔɔri beémme okpààti Akiripaa

¹ Kè Akiripaa náké Pɔɔri ke dò: Ti da duómumu dinùù. Náké bè yē nha càkemu.

Kè Pɔɔri youte o nùtè ke bo beé nho kpeti ke béi nke dò:

² Okpààti Akiripaa dè n naatimu yíe mmesàà n yóó béímmè a ìkè Sifube m bekùnè tì kpeí.

³ A yému Sifube kó ikuó nè bè mòkemè tineítì, n da báammu a minné ké n kénté.

⁴ M bìíkú Sedisademmu n kɔbe cuokè nke kè Sifube bemou yé.

⁵ Bè n yému nè dimònni kè bè dó bè bo na kénáké n do túmè Fadisíē wèè tū nti kó ikuó kperiyì.

⁶ Bè m bekùnè yíe n tá mèè kpeí nke Kuyie ndo náké tì ti yembè.

⁷ Kè ti kó iwuo tepítè nè idèi pī nKuyie nkó mutómú ke baa tì bo dàòmè. Okpààti, n ti ntá kè Sifube m bekùnè.

⁸ Dè dòmmè dínidi Sifube kè di í tá ke dò becírìbè bo yánté?

⁹ Mí m mómmuɔ n do yé ke tú desààrè nde kemmau ke bo paa mbè bo nyumè Yesu Nansareti kou kó diyètìrì.

¹⁰ Kè ikuó nùbè kó bekótìbè n duó ndinùù kè m pírímú Yesu kɔbe péu Sedisademmu miεke ke kpetínné, kè bè mbè kòu kè n dó,

¹¹ ké m bè pī titíntouti miεke ke puotì, kè bè bo yete Yesu, kè m miεke mbè còú mmesàà kè m bè fěũnko nè yehékè teyè miεkoo.

Pɔɔri nàkémè ò cèète mèè botí

¹² Mémme kè ikuó nùbè n duó ndinùù kè nní nkòri Damaasi ke neínè n kɔbe.

13 Okpààtì! Kénkááké kuce kè diyìè còmú yeyo, kè kuwenniku makùu cúténì ti ìnkè kéréxéte diyìè kòku.

14 Kè ti duó timou ketenkè, kè n keè metamamè mamè nè Ebedeebe kó tináàntì kè mè tu: Sòori! Sòori ba nte kàa n fěũnko, dè bo nda yòunè a bo m baaomè.

15 Kè m beke ke dò: Fí wenni nwe? Kè mè dò: Mìnwe Yesu a fěũnkomè.

16 A né íté kécómú, n da benke m maa ndi kàa bo naá n kóo tóntì, kénnaante a me nya dè yíe nè n yóo yíe da benke dè.

17 N da tããtè Sifube nè bèè í tú Sifube be cuokè nke, ke bo da tã mbè borè.

18 Kàa bè wéi, ké bè duó nKuyie, kè bèe yie nkè kùu bè cǐé nkè bèe wěnnénè ku kòbe ku cǐétè.

Pòori keté yèè ekè Kuyie nnáàntì

19 Mèmmè okpààtì Akiripaa n yí nyete Kuyie nni mbenke de.

20 N keté kénáké Kuyie nnáàntì Damaasi nwe nè Sedisademma nè Sudee kó yehékè yemou nè bèè í tú Sifube, ke tú bèe ceete kéndòòri Kuyie ndómè.

21 Dèè te kè Sifube m pǐ Kuyie ncǐétè mièke kéndó ké n kuò.

22 Kè Kuyie nni ndeeté kè n kpaá fòu, ke náá ku náàntì besámǐpòbè nè benitidièbè. N yí náá ntimatì kè dè í tú Kuyie mpããnáàntì náamòbè nè Mòyiisi bè do nàkè tì ke dò:

23 Kirisi dò nkéǐǐtému kékú, kéntú oketiwè wèè yàánté, kémííté ti kó kubotí nè ibotí tèi kuwenniku.

Pòori nàammè Kuyie nnáàntì Akiripaa

24 Kè Pòori nkpaá náá kè Fesituusi ò péi nke dò: A bebí yepáte kè yè da wáammaà?

25 Kè Pɔ̄ori dò: Okpààtì, n yí wàáté, n náá timóm̄m̄nti nti.

26 Okpààtì Akiripaa tì yé̄mu tim̄ou, dæ̀e te kè n náá ke í yĩ̀èkù, ke yé̄ ti í d̀̀m̀è dis̀r̀i.

27 Okpààtì Akiripaa, n yé̄mu ke d̀̀ nha yie Kuyie mp̄ããnáãntì náam̀bè nàké tì.

28 Kè Akiripaa d̀̀: Pɔ̄ori a yóó duó kè nní mbo ke náá nYesu kou nwe.

29 Kè Pɔ̄ori d̀̀: Kè d̀̀ c̄ar̄ike yoo d̀̀ ɔ̄te, mbáá nKuyie nku f̄́ nnè bet̄abè bie ndi kp̄éí, kè di bo náá nYesu k̄abe, ké nni nd̀̀nnè, b̀̀ né báá di boú m̄f̄im̄me b̀̀ m boúm̀è.

30 Okpààtì Akiripaa nè kùm̀andáà nè Beriniisi nè bet̄abè b̄em̄ou, kè b̀̀e íté.

31 Kénk̄er̄í ke náante ke tú oǹtì yie nyí d̀̀̀ meȳei mmam̀è ke d̀̀ mb̀̀e ò kùò yoo b̀̀e ò k̄pet̄inné.

32 Kè Akiripaa náké Fesituusi ke d̀̀: Ti na nhò f̄̄im̄mu kòò do í ȳe nhò d̀̀ó k̄éyà k̄etenkè yiè.

27

Pɔ̄ori k̀̀rim̀è Odommu

1 B̀̀e yĩ̀ d̀̀̀i m̀̀nni ti d̀̀ nké̄k̄ote Itadii k̄éduó m̄Pɔ̄ori nè tik̄pet̄intì tetì kuhããp̀̀nkù, kùù ni k̄etenkè yiè nkó fehããp̀̀nnafe b̀̀e tú kù Sidiyusi.

2 Kè ti ta Atidamiti kóo bàtòò kòò k̀̀ri Asii, kè Adisitaki Maseduãnni kó kutemp̄e nkou kòo èi tu Tesadoniki kòo nti neínè.

3 Kè d̀̀e wenté kè tí tūke Sit̄ȭ. Sidiyusi wèè d̀̀ó Pɔ̄ori kòo yóo kòo k̄ote k̄éyà o k̄abe, kè b̀̀e ò c̄outé mesàà.

4 Kè ti íté d̄eborè kè kuyaākùu yete ke ti k̀̀nté k̄éyè Sipiri bakù yóu.

⁵ Kè ti sénté dàmèèrì wèè pekénè Sidisii nè Pānfidii kó itempē nkétuòke Midaa Disii kó kutempē.

⁶ Dèndè kuhāpònkù yàmè Adekisāntiri kóo bàtòò kòò kòri Itadii kè kù ti tannè.

⁷ Kè ti nkéri ke dò yewe péu ke fěŭté mediè nke né na kétuòke Kinidi, bá kuyaakù í nyie kè ti kónté kényè Sadomōnni kétuòke Kereti.

⁸ Ké nhò peké ke àari, kétuòke dibòri mari kè bè di tu: Dicōnni sàari, kè di tǎkénè Dasee kó dihei.

⁹ Kè bàtòò kó mucèmmu dòke yónkú ke ti mǎnte kuce mediè dè do sǎ mmenùbóummè kó dimōnni pēētēmu.

¹⁰ Kè Pōrii béi nke dǎ: N kǎbe, ti kó kuce kuù nyó nyóumu, bàtòò bo cǎke nè tinenti, kè ti í yé ti kú.

¹¹ Kè kuhāpònkù ntǎ wèè piú bàtòò nè wèè ò te kè dè pēēté Pōrii béi ntì.

¹² Bàtòòbè commu dè í wenni diyōō, kè bèmabè dǎ bèe pēēté kékǎte Fennikisi, Kereti kóo bàtòòbè commu dè ke wetí diyìè taà kèè bíékè, dèè do dǎ á nde mbo diyōō.

Kuyaakù diekù itémè dàmèèrì mieke kénfuu

¹³ Kè kuyaakù makùu íténí kubakù cǎnku bíékè kénfuuti meyoōmmè, kè be yèmmè ndò bè bo tuòke bè dǎ dè, kédèite bàtòò cónniri, kempékénè Kereti kó ketenkè.

¹⁴ Kè dè nyóó yíé kè kutekù makùu íténí kubakùu yóu diyìè yìèni kèè bíékè kó kuyaakù ke kpeñni.

¹⁵ Bá ti í nna ke kù kǎté, ke yóu kè kù nti tǎ.

¹⁶ Kè ti pēēté Kodaa, dihei dii soké dàmèèrì mieke kè di nti kǎnké sǎmpòrè, kè ti áké ke né na kédèè mbàtòò sǎmpòu.

17 Kòò boú iwěĩ kényĩ̀kù ò bo tamè mubirímú kécũũ ntiyààti, ke yóu kè kuyaakù níti tó.

18 Kè dèe wenté kè kuyaakù baa nkpaá ti kóonko mekperímè, kè tí ńdèi tinentì ke buà̀nko dàméèrì mièke.

19 Kè dè tó wenté kè bàtòò yembè móm̃m̃m̃be ńdèi tipotantì ke dokòo dàméèrì mièke.

20 Yewe péu mièke kè kuyaakù baa kpaá kpeń̀nì, bá ti í nwúó diyìè nè siwãã, ti ténke í nyé ke dò nti bo cooté.

21 Yewe péu mièke òmòu í ndi dèmarè, kè Pɔ̃rii cómmú kébéi nke dò: N kɔ̀be kè di sòò do nyie n kpeti kè tí nkpaá Kereti ti na bá nyà meháárìmè miè n kè ti kperere cake.

22 Di mmònnì dí cátiñne di yèmmè, òmòu í yóó kù, bàtòò weè maa yóó yei.

23 Kuyie nkùù n te kè m p̃i ku tōmmú ku tōnnì kàtenímu ke nyènkè ke n nàkè ke tú:

24 Pɔ̃rii bá nyĩ̀kù a dò nkétuakemu ketenkè yiè mborè, Kuyie nda dó mèè kpeí nte kè kù yóó deeté a neínè bè.

25 Dèè te kè n tú cátiñnè di yèmmè, n yému weti weti dè yó ndòm̃mè Kuyie nni nnàkémè mme.

26 Ti né yóó fũ̀kúmu dibòrì marì dihei diì soké dàméèrì mièke di borè.

27 Keyènkè tepítè nè kenaankè do nke, kè kuyaakù kpaá ti kóonko kè ti baa bo dàméèrì mièke, kè bàtòò yembè yèmmè ndò ti tónnè ketenkè,

28 kébɔ̀ nkuhõũ kè meçũmpume mbo métiri sipísitàãti nè mèyiekè, kè bèè yíé détóo kébɔ̀ nkè mè mbo sipísidé nè mènì.

29 Kè bè nyĩ̀̀kù bàtòò bo bootemè dipèrì mari, kẹ̀bọ̀ mbàtòò cònníyè yènàà o f̄nkuò bíékè, kẹ̀mbaa dè bo wentémè kè dè bè ɔ̀tí.

30 Kè bàtòò yembè ndó kécoké kécũũnko bàtòò sàmpròu ke dɔ̀ri ke dò mbè pitírí bàtòò cònnírí.

31 Kè Pɔ̀rii náké iwěĩ yìè nnè tihã̀pònti teti ke dò: Kè be nnitibè í kpaá bàtòò mièke òmòu báá cooté.

32 Kè tihã̀pònti kééte iwěĩ ì pìtí bàtòò sàmpròu kòo pònté.

33 Kè dèe auté ke bo wenté kè Pɔ̀rii bè náké ke dò: Dè m̀ke yíe nyewe tepítè nè yènàà di í dimè m̀mamù.

34 Dinè kénfòu, di kóo m̀u kó kunónkúókù í yóó feti.

35 Pɔ̀rii b́i memme kétúóté p̄̀ késãnte Kuyie mbè ìkè ke wété kécáá.

36 Bemu, kè be yèmmèe caté, kè bèe di.

37 Timu ti do bo sikousidé nè sipísiyiekè nè bèkuò (276) ndi bàtòò mièke.

38 Kè bèe di kédeè kédootóo tidiiti sònti dàmmèrì mièke kè bàtòò bo yauke.

Bè diunèmè bàtòò

39 Dè wenté dii m̀nni bá bè í mbanté ketenkè, kẹ̀yà kubinkenkènkù makù kè mubirímú de bo, kè be yèmmèe ndò kè bè bo na, bèe kòtenè bàtòò deborè.

40 Ke kééte bàtòò cònníyè kápíté dèe piúnè bàtòò kédeè kécónné kuyààkù, kè kuyaaakù mbè tèmmù kè bè kòri deborè.

41 Kéta mubirímú kó kupè mmakù, kè bàtòò fũ̀kù o ìkè kè menie nni mpuotì o f̄nkuò koò wéú.

42 Kè tihã̀pònti nyĩ̀̀kù tikpetínti bo deimè kè kùmakùu coké, kéndó ké tì kùu timu.

43 Kè iwěĩ yiè nní ndó kédεεté Pòori kέyete ke dò, bèè nò nke del bèe dei kéniiτέ késénté.

44 Kè betòbè mbe tũ ke deitínè tidabεεti yoo bàtòò kó yewétiyè. Memème kè bèe sénté bemòu bá dèmarè í bè dòò.

28

Fewààfè dántémè Pòori

1 Ti sènté dìi m̀nni nè kukò̀nnaatí kέkeè de kó diheì yètìrì tùmè Mariti. Dì do soké dàméèrì miεke nke.

2 Kè de kó diheì yembè ti d̀òò mesàà. Ke ś nfetaafè nìu kè muséè mbo, kè bèe t̀tinnε muhãã mmediè.

3 Kè Pòorii oté tidabiti ke bo ãnné muhãã mmiεke, kè fewààfè ã ti miεke kέkeè kuhããyiinkù kέyènní kéd̀anté o ǹùtè kέncáatí.

4 Kè de kó diheì k̀bεε yà fewààfè càátímè Pòori ǹùtè kέnnáa mbemáa ke tú: Oǹtì yie mm̀enke tú oǹitik̀ùti nwe, bá ò me ncootémè dàméèrì miεke meyi mbaa ò t̀mmu.

5 Kè Pòorii míétóo fewààfè muhãã mmiεke bá ò í nkèè kuyonku.

6 Kè bè nkém̀m̀ú dè bo múútímè yoo wèe doroo bàmbà nkékú. Kè d̀εε m̀ontε bá dèmarè í d̀òò, kè bèe ceete tináaht̀i ke d̀ò ò d̀ò nKuyie nku.

7 Ke ś nkùm̀andáa bè tú wèe Pibidiyuusi, wèe te diheì k̀òò bàtè dè bo, k̀òò ti c̀outénè diwèi. Kè tí mbo ke d̀ò yewe yètããti.

8 Kè timíétì bo o cice k̀òò ỳenkú meyi ke duó kè Pòorii ò ndó nsinòu, ke bántè Kuyie nkòo miεté.

9 Kè bemuòmbe t̀òbè ñk̀orìní k̀òò bè miεk̀unko,

10 Kè bè ti d̀òò mesàà. Kè ti p̀ὲétím̀u tuòkení dìi m̀nni kè bè ti pãmm̀ú dè ti békú dè.

Odommu kabe do domè Pɔari

11 Betāābè bētāāti kó difōnkúò kè ti ta bàtòò mǎu wèè do dè bo diyōð miεke, ke bonní Adekisāntiri, ke mǎke sitenkaanii sidésì kè bè sì tu itáátébí.

12 Kè ti tuǎke Sidakii ke cómmú ke dǎ yewe yètāāti.

13 Ke íté deborè kέmpεkénè ketenkè kè dèε wenté kè ti tuǎke Desiyo kè kubakù cǎnku kó kuyaakù mbo, kè ti mmǎke yewe yédéè kétuǎke Pusǎari.

14 Ke dè yà Yesu kabe kè bè dǎ ti mbè bonè ke dǎ yewe yèyiekè. Kè ti mbè bonè kέpεēté kénkəri Odommu.

15 Kè Yesu kabe bèè bo Odommu kè bèε keè ti kpéí, kékatení Dapiyusi bè taà dè dikātiri ke ti co, kè betǎbèε katení bè tu dè titouti tītāāti bepòðbè kpeti. Kè Pǎarii bè yà kòo yèmmèε narike kòo sǎnte Kuyie.

16 Ti tùǎke dii mǎnni Odommu kè bèε duó mPǎari kudieku kòo mbo kè kuhǎǎpònkù ò bàa.

Pǎari nàammè Kuyie nnáaǎti Odommu

17 Yewe yètāāti kó difōnkúò kè Pǎarii yú Sifube kó bekótíbè bèè bo Odommu kè bèε tínní kòo bè nǎké ke dǎ, ti kabe n yí yeténè ti yembè kó ikuó, kè bè m pí Sedisadεmmu ke duó nhOdommu kabe.

18 Kè bè m biéké kéndó ké n fīi ke yé bè í yàmè meyei n dǎòmè ke dǎ mbè n kuǎ.

19 Kè Sifube né yete, kè dæè nte kè n dǎ: M bo yà ketenkè yiè, dè né í tú n yé m bo ò yà kóò nǎké be kó meyei mmamè.

20 Dèε te kè n dǎ ke di nǎké, Isidayεeribe baa wè kpéí ntemè kè m bou mεfīmme.

21 Kè bèε ò tēíné ke dǎ: Bè í wǎri a kpeti mati Sudee ke ti duǎnní, ti kou mǎu mε nyí ke yènní ke ti nǎké a cààrè mù.

22 Ti yému ke dò ntipíiti timou bè í dó a tũ nkùù wedòuncè, a ti náké a mómmuò nde kó tináaàntì.

23 Kè bèe dǎú ndikàtìrì kékɔtení de yiè Pɔɔri borè kénsũnè bè sòò mààmè. Kè Pɔɔri ntũũ nke bè náá Kuyie nkprààtiyuu kpeti, ke bè benkú Mɔyiisi nè Kuyie mpããnáaàntì náambè do náké tì, ke yetíróo ke dǎó bèe banté Yesu tùmè Odεεtíwè.

24 Kè bèmabèe yie nkè betòbèe yete.

25 Kè bè nyiti ke nɛi bemáà, kè Pɔɔrii bɛi nke dò: Muyaánsààmù naatimu mù do me nnàkémè Kuyie mpããnáaàntì náaàntò Esaii ke dò:

26 Kɔte kénáké ku mbotí kòbe ke dò:

Di bo nyo,
di me mbáá banté,
kénwúó, di me mbáá yà.

27 Ke yé de kó kubotí kòbe yèmmè kpeínimè,
bè í yíé ntimatì,
ke ìtínné be to, ke báá keè,
ke ũũ nke báá yà,
bè yàà bo ceete mèè kpéi
kè m bè miékũnne.

28 N yénè ke dò medεεtímè kó tináaàntì kòtemu bèè í tú Sifube be borè kè bembε yóó tì còuté.

[
29 Pɔɔri bɛi memme kè Sifubee íté tineiti bemáà kénkũnti.]

30 Kè Pɔɔri dǎó yebie nyèdéè ke yietì ò bo kùù dieku, ke cǎú bèè kòriní o borè.

31 Ke náá Kuyie nkprààtiyuu kpeti nè Yesu tùmè Odεεtíwè bá ke í yīèkù, òmòu me nyí nhò kóónnè.

Bibiri Kuyie Nnààntì Pátírì
The Holy Bible in the Ditammari language of Benin

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 18 Apr 2025 from source files dated 31 Aug 2023

5e2d0f12-f1d8-567b-bf98-cf1de4599d16